

पुर्खा दय्क तकगु सम्पत्ति, भीगु कला व संस्कृति
पिकाक-भक्तपुर नगरपालिका



नेपाल संवत् १९४२ चौलाथ्व/२०७९ बैशाख १/२०२२ Apr./ ल्या: ५७, दाँ: ४



ख्वप नगरपालिका वडा नं. ८

लिवालीच्वंगु कभर्डहल उलेज्या

सिराहा गोलबजारया जनप्रतिनिधिपुचः ख्वप नगरपालिकाय्
२०७८ चैत्र १४ गते)



बाराही ताँ निरीक्षणय् प्रमुख ज्यू
२०७८ चैत्र १६ गते)





चयस्वंगुगु स्वप पौ, बःधि पौ(पाक्षिक)

; DkfbSlo

@)&(jzfv !, c^a\$ *#, jif{\$

बिस्का नखा व न्हू दँ २०७९ या भिन्तुना

थी थी थाब्वा क्वब्वा, दुःख सुख नपां २०७८ साल भी नपां विदा कायो वान । नेपः दे या इतिहासय् थुगु वर्ष बांला मजु । हलिमय डांकः जूगु कोरोना भव ल्वयया बांमलागु लिचवः भीथाय् देशय् नं लात । अक्सिजन मदयो यक्व यक्व मनूत सीत । अपलं लजगात छखय् लात, अपलं मनूत ज्या मदयो बेरोजगार जुल । उद्योगधन्धात बन्द जूसेलीं अपलं सामानत विदेशं न्याड हयमः सेलीं उकिया लिचवः अर्थतन्त्रय् लात ।

नेकपा स्वंगू क्वचा जूल । प्रतिनिधिसभा नेक विघटन जुयो हकनं पुनः स्थापना जुल । अलय लिफ्यड हः गु संसदं बांलाक ज्या सानय् मफूत । एमालेया नाराबाजीया दश्वी नं एमसीसी थजगु राष्ट्रघाती सन्धि अनुमोदन यात । थः ता कम्युनिष्टजक दाबी याइपुं माओवादी व एकिकृत समाजवादी 'व्याख्यात्मक घोषणा' थजगु अर्थहीन भवँ स्वयो जनताया मिखालय धुलं छ्वाकः पास याता ।

कृषि प्रधान देशय् बाली लगय् याय्गु इलय सःमदयो हाहाकार जुला । कृषिमन्त्रीत ख्याचा थें जक जुल । बुं अन्न अपः सय्केगुलि सुननं मति मतः । भरु छु याःसा अपः कमिशन वै दक मन्त्री तय्गु ध्यान उकी लाड च्वना । बुँज्यामी व ज्यामि पिनिगु समस्याखय् सरकार भ्या भाति है गम्भीर मजु ।

लाहातय् ज्या मारुसेलिं अपलं ल्यासे ल्याम्होपुं विदेशय् वाड च्वंगु दः । तः मिपिनि सन्तानत अमेरिका, जापान, बेलायत व फ्रान्स थजगु तः मिगु देश पाखय् वाडः च्वंगु दः सा गरिबतय् सन्तानत अरब व मलेसिया देशय् पाखय् वाडः च्वंगु दः । दायँ दायँ पतिकं सःपुं मसःपुं लाखौं ल्यासे ल्याम्होपुं विदेशय् वाड च्वंगु दः ।

थुगु वर्षया लिइपा लिइपा स्थानीय निर्वाचनया क्वा क्वागु फय वयो च्वंगु दः । २०७९ साल वैशाख ३० गते जुइगु स्थानीय तहया निर्वाचनया लागिं फुक्क राजनैतिक दलत उम्मेदवार ल्ययगुलि लाडः च्वंगु दः । डादाय् छक वैगु स्थानीय तहया निर्वाचनय समाजया नितिं ज्या सानिपुं, देशभक्त, समाजया नितिं वफादारपुं विकास याय्गु मति दःपुं ल्यय्मः धाय्गु सक्लसिनं धायो वयो च्वंगु खः ।

निर्वाचनं त्याकः वांपुं जनप्रतिनिधिपिसं डादाया दुनयँ छु छु ज्यायाता जक जनतां छगू छगू याड स्वयो च्वंगु दः । अपलं पालिकाखय् आनाया जनप्रतिनिधि पिसं आनाया समस्या स्वयो देनय लालाकाय्गु ज्याखय् जक ध्यान तयो भ्रष्टाचार अपलं जुयो च्वंगु जनतां द्वपं बियो च्वंगु दः । वैशाख ३० गते जुइगु निर्वाचनय फुक्क राजनीतिक दल तय्सं पालिका दुनय्या जनताता हदाय् तयो समाज सेवासं समर्पित जुयो ज्या सानिपुं, न्ह्याब्लें जनताया दुःख-सुखखय् साथ विइपुं जनप्रतिनिधिपुं ल्यय् फय्मः । न्हँ साल, न्हँगु वर्ष २०७९ या भिन्तुना !

पिकाक-ख्वप नगरपालिका/सम्पादक-आशाकुमार चिकंब्ज्जार, डेस्कटप-धन लक्ष्मी त्यात, आवरण सज्जा-रेणु ध्वजू, थाकू- भक्तपुर अफसेट प्रिन्टर्स फोन ल्याः ०१-६६९३०४३, ई-मेल- khwopapau@gmail.com



का. रोहितया न्हापांगु कोरिया भ्रमण



नाम्पो नगरपालिकाय लसकुस ज्या इतः

१७ असोज २०४८ अथे धाय्गु ३ Oct 1991 खुनुं कोरिया एकीकरण पदयात्रा प्रेस सम्मेलन जुयो चवना । उकी अन्तरराष्ट्रिय एकीकरण समितिया पदाधिकारीपुं व मे मे पुं विदेशी प्रतिनिधि पुचः या मू मू पाहाँपिसं ब्वति कायो द्यगु खः ।

जिपुं नेपःया प्रतिनिधिपुं न्हिनय् हे प्योडयाड नाम्पो धःगु शहरे २:०० ता इलय् ति वाडा । उगु सहरें जिपुं ३:०० ता इलय् थ्यन । नाम्पो सहरं नं सारियोन व कँसोड्ग थें तः तः ब्यागु लाँ व छँ (भवन) तः दःगु आधुनिक, सहर खः । शिक्षा, स्वास्थ्य, कासा, तहांगु-चिच्याहांगु उद्योगत फुक्क धायथें सहरें बन्दोबस्त याडः तःगु दः । सुचुकुचुख्य कोरियाली नगरत तस्कं हःनयला धात्थें धायगु खःसा प्रदुषण मरुगु कोरियाली नगरत आदर्श नगर दक घाय् फः । कलकत्ता, बम्बई, दिल्ली, बनारस, पटना, कराँची, बैंकक थी थी एशियाया सहरत चाहिला । व स्वयो कोरियाया सहरत सुचुकुचु व प्रदुषण मरुगु सहर खः ।

राजधानी प्योडयाड ५५कि.मि, पश्चिम पाख्य समुद्र थिड्कः नाम्पो, छगू बन्दरगाह सहर खः । पश्चिमी कोरियाली समुद्रया सिथय् च्वंगु नाम्पो सहरता प्योडयाडया पश्चिमया लुखा नं धाय्गु या । राजधानी तायडोड खुसी सिथं सिथं पश्चिम पाख्य वानय् बलय् नाम्पो सहरें थ्यनि ।

कोगुरो राजा -महाराजापिनिगु ऐतिहासिक स्मारक व चिहानत दःगु थुगु लागा इस्पात तः तः ग्वगु भारी मेसिनत, विजुलीया सामानत दय्किगु कारखानां जः । रंगशाला थी थी कासाया खेलकुद भवनत, लाला काय्गु (पौडी) स्पनिगु पुखुत नं दःगु अपलं सुविधां जःगु थुगु थाय् कोरियाया कासाया मू केन्द्र त मध्ये ला ।

नाम्पोया १५ गू कि.मि. पश्चिमपाख्य प्र.ज.ग कोरियाया छगू गौरवशाली रचनात्मक उपलब्धी पश्चिमी समुद्री बाँध नं दय्कः तगु दः ।

थ्व फुक्क स्वय धुंक जिपुं छगू सभाभवने वाडा । धात्थें हे कोरियाया सभाभवनत तः तः हांगु व भब्य जुड्गु जुयो चवना । एकीकरण पदयात्राख्य ब्वति कः भः पिनता नाम्पो नगरपालिकां लसकुस याय्ता छगू समारोह ग्वसः ग्वगु खः । उगु समारोहसं जि नं नाम्पोया नागरिकपिनता सम्बोधन याडा ।

लसकुस ज्या इवः धुंकः जिपुं रात्री भोज (बहनीया भवें) नः वाडा । बहनीसिया ७:०० ता इलं क्यनय् धुंकल । उगु भवें अथे धाय्गु कोरियाली भव्यंख्य समुद्रय दैपुं डया घासा मदै हे मखु धःसां मपा । कः लि (गंगतो), साख्ला, योमारी थी थी मेमेगु देशय् मदैगु नसात जिमिसं आना नया ।

होटलया बन्दोबस्त तस्कं बांला गनां छुं मचः मगा, मछिं धाय्गु मरु । अलय् छगू छगू होटेलया थः थः गु हे विशेषता धः सा दैगु जुयो चवना ।

पश्चिमी समुद्रया बाँध

१८ असोज २०४८ अथे धाय्गु 4 Oct. 1991 या दिनस सुथाय्सिया ८:०० ता इलय् जिपुं पश्चिमी समुद्री बाँध स्वः वाडा । नेपः दे थजगु भूपरिवेष्ठित (समुद्रं मथ्यगु) देशया जनताता व समुद्रया सिथय (बिच) धाय्वं मनय् छगु पीडा व संतोष ल्वाक ज्यागु भाव पिज्वइगु अस्वाभाविक मखु । अथेनं समुद्र, उकिया छालं (लबु) नोक्सान याड्गुया ज्ञान मदैगु नं स्वाभाविक हे खः । अलय् कोरियाली जनताया महान नेता का. किम इल सड्गया न्हयलुवाय् कोरियाली जनसेना व जनता मिलय जुयो समुद्रया तःतःहांगु, ग्यापुगु (छाल) लबू नपां ल्वाड धात्थे धाय्गु खःसा समुद्री राक्षसता चिडः अथेधाय् उकीं याड्गु नोक्सानता बुक जनताता स्वतन्त्र याता अलय् सुखी जीवनया नितिं मःगु सहूलियत नं बिला ।

पश्चिमी समुद्रया बाँध च्वजःगु धरहराय थाहाँवाड स्वया बलय् अथे छुं हे मखु साधारण व हाँयपुगु थाय् थें जक चवना । अलय् दुनयँ भिडियो स्वयाबलय् उगु बाँध दयकेता यागु मेहनत, खतरा, दय्के हाँ उगुथाय्या लू, उकीं देश व जनताता जगु फाइदा स्वयो थुड्काबलय् भन लय् वल ।

नेगु प्रान्तता ताँ छुडः स्वागु, रेल व मोटरया लाँ दय्क उकी च्वडः वय वानयँ ज्यगु समुद्रया चिन्वःगु नाः पानय्गु, तायडोड खुसीया खुसी बः पानय्गु अञ्चलय् नाः छुय्गु व जल यातायात व

मेमेगु उत्पादनया ज्यायाता नं ग्वाहाली जुइगु काथं दय्क तःगु उगु योजनाया बहुउद्देशीय ज्या तस्कं हे बाँला महत्वपूर्ण खानय् दः । थुकीया बः चा हाकलं खाँ न्हिनय्या भव्य खय् का.किम सङ्गं धायो द्यगुलिं जिं थुल ।

१९८१ मई महिनाय् थुकीया ज्या न्ह्याकगु खः । अलय् १९८६ खय् क्वचाल । डादाया युद्धस्तरया ज्या खय् १ करोड ५० लाख क्यूबिक मिटर चा वाय्गु ज्या यातासा १ करोड ६० लाख क्यूबिक मिटर ल्वहँ व गिटी (गेगर) ल्हययो हला । ४५० कि. मि. ताः हाकगु तायडोड खुसी थाना हे जू वइगु । उगु खुसी ८ कि.मि. ब्या द.सा दर्जनौ मिटर तः जः । थुकी मुक्कं सरकारं ४ अर्ब वन अथे धाय्गु २ अर्ब डलर (थ्यं मथ्यं १ खर्ब नेपाली धेबा) खर्च जूगु खः । अलय थुकी याय्गु डिजाइन, प्रविधि, सामान व कुतः फुक्क कोरियाली जनता तय्गु हे जुयो च्वना । उकिं कोरियाली जनताया आर्थिक व सांस्कृतिक जीवनय् तहांगु ह्युपा ह्युता ग्वाहाली जुल ।

१३२ कि. मि. ताः हाकगु उगु बाँध तायडोड खुसी समुद्रं वइगु लबुं याड चिसब दइगु नाखं बुरय् जुइगु मजुइक, बिला दशहजार हेक्टर बुई नाः छुय्दत, नेगू प्रान्तया दशवी ताँ, रेल, मोटरया लाँ व डायो वानय्गु फः दत । उद्योग व त्वनय्गु नाः या दुःख व थासय् मजुल । उद्योग व कृषि क्षेत्रता उगु नहरं स्वात । सामान कुबियो वैगु जहाज तायडोडखुसीतक वानय फैगु जुल । थी थी जातया डात लहियगु ज्या याय्ता तायडोड खुसी व बाँध दयकगु तालं अपलं घ्वासा बिल ।

थ्य फुक्क खाँयाता बिचः याड २२ मई १९८६ संका, किमाइल सङ्गं च्वयो दिल । 'थःगु तुतिखय् दानय्गु (आत्म निर्भरता) व उत्साहया क्रान्तिकारी भावनां भी जनतां दयकगु पश्चिमी समुद्री बाँध छगू तःहांगु ज्या खः । थुगु बाँध दय्कपिन्ता अपलं गौरब दः ।'

राष्ट्रपति किम इल सङ्गं २४ जुन १९८६ सं ह्यौंगु बाला च्याड पश्चिमी समुद्री बाँधया निर्माणत क्वचःगु खाँ क्वःछिडः दिलसा कोरियाली मजदुर पार्टी व जनताया ग्यसुलागु (रचनात्मक) ग्वाहाली व शक्ति अलय मन क्वाथिइक लगनशील जुयो छगू तस्कं बांलागु नमुना पिब्वयो दिल ।

थथे हे हलिमय जलस्रोतया नेगुगू तःमिगु भीगु, नेपः देशया खुसी बाँध पाडः नहर, बिजुली, यातायात उद्योग, त्वनय्गु नाः डा लहियगु थी थी, ज्या त याय् फःसा भीगु मातृ भूमिं नं थःगु तुतिखय च्यो गौरवया सास ल्हाय दैगु खै । दाच्छी जकया तः हांगु लायं (लगानी) नपां डादाया खुसी बः, पहाड न्ह्याडः वैगु सुख्खा व अभावं जुइगु क्षतिं म्हवं याय् फै । दाच्छीया लगानी मेगु वर्षे ह्वइगु व थवय दैगुलिं, क्षति मजुइगु व मेमेगु लब खं बांलागु लिच्वः जायो वै ।



वानसानयः

पश्चिमया समुद्रया बाँध स्वय धुकः जिपुं वानसान धःगु समुद्रया सिथय स्वः वाडा । १०:०० ता इलय् जुय धुकल प्याखं ल्हइकः तःगु जुयो च्वना । मिखाल पट्टि चिकः धःप तछ्याय्गु कासा, स्वपा तुति दय्क नेम्हा ब्वाकिगु कासा थजगु थीथी कासाख्य थी थी देया पासापुं व कोरियाली पासापिसं ब्वति काला ।

व कासा स्वस्वं जि थः गु ब्वनामिया ई विद्यार्थी जीवन लुमांसे वल । कोरियाली युगल (नेम्हा मिसा मिजं) या प्याखनय् सुर व ताल मिलय मजुयो ख्वः ह्यौंकेगु मति वान । अलय् फि- फिजक द.गु समुद्रया सिथय थजगु समारोहसं जिं दकले न्हःपां ब्वति कायागु खः ।

उगु हायपुगु कासाख्य ब्वति कःपुं सकलसिता नाम्पोया अधिकारी पासापिसं अनेक उपहारत बियो दिल । आना जिं सिंयाय्म्हा भुन्दू छम्हा, सिंयाय्म्हा हे चिच्याचा हिकम्हा भालू, खँयाय्गु बःचा हांगु भतिचा ताः हाकगु, फुलदानी उपहार काया । गुगु अःभीगु पार्टी अफिसया दराजे ब्वयो तःगु दः ।

१२:०० ता इलय् उगु हायपुगु ज्या भव, क्वचाल । जिपुं नाम्पो होटेले वाडा अलय कःलि, तहिम्हा शंख (खासा) चिच्याग्वगु योमारी थजगु नसात अजुचाचां नया ।

३:०० ताइलय् जिपुं प्योडयाड- पाख्य वाडा । यचुपिचुगु तः ब्यागु लाँ स्वस्वं, बुँ, फाँटत स्वस्वं ५:३० ता इलय् कोरिया होटेले थ्यन । बन्हीया भवँ नय धुकः छँ फोन याडा गजगु स्पष्ट यँ नं ख्वपय फोन याय्थें ।

कम्युनिष्ट पार्टी छाय् निर्वाचने ब्वति काई ?

विवेक

बिप्लव ह्यलुवाया नेकपा माओवादी अः वइगु निर्वाचनय् स्वतन्त्र उम्मेदवार याड चुनावय् ब्वतिकायगु खाँ क्वछयूगु छम्हा केन्द्रीय दुजं धाला । केन्द्रीय दुजः त निर्वाचने ब्वति मकासिं स्थानीय कार्यकर्तातय्ता चुनावय् छ्वयगु लिपा च्वंगु केन्द्रीय समिति खाँ क्व छयूगु वयागु धापु खः । माओवादीत सुचकः (भूमिगत) च्वंपुं प्याहाँ (सार्वजनिक) वसेलिं प्रचण्डजी पिसं नं मुख्य नेतात सरकारे मवानय्गु पार्टीता भन बल्लाक यंकेगु धः पुं खः । व खाँ उलि ताःमत्तु । प्रचण्डपुं सरकारया न्हयलुवा जुयो वांगु जकमखु पार्टीताहे संसदीय गालय् थाहाँवय हे मफय्कः क्वफ्वाय् यंकला, अथेजगुलिं नं विप्लवं स्वतन्त्र रूपं निर्वाचनय् वानय्गु धःगुज्वी ।

अ. प्रजातान्त्रिक व्यवस्था खः । पञ्चायतया इलय् थें पार्टी प्रतिबन्धित मखु । निर्वाचनय् स्वतन्त्र जुयो ब्वति काय्गु खाँ छाय् क्वछिता ज्वी ? व लिपा भू सिय हे दै । पूँजीवादी निर्वाचनय् ब्वति कायो जनताया सेवा याय्गु निर्वाचनय् ब्वति मकसिं च्वनय्गु स्वयो तस्कं थाकुगु ज्या खः । शान्तिपूर्ण अवस्थाय निर्वाचने ब्वतिकायो छयल्य् मः धाय्गु जक मखु मछ्यसें मगा धाय्गु खाँ कम्युनिष्ट आन्दोलनं क्यनय् धुंकगु खः । निर्वाचने ब्वति मकः सा पार्टी व जनताया स्वापु भन-भन तापाडः वानि । जनता नपां तापाक्क च्वड जनताता ह्यपाया लागिं छप्पा छाधियाय्गु ज्या अःपुगु मखु ।

कम्युनिष्टतय्सं निर्वाचनता छाय् छ्यली ?

कम्युनिष्टत पूँजीवादी निर्वाचने धेबा कमे याय्ता, मोजमस्ती याय्ता अलय् सुखसियता भाग काइगु मखु । अपुं पार्टीया नीति व सिद्धान्त जनताता कानय्ता, प्रतिक्रियावादीतयसं यागु जनविरोधी ज्यात जनताया हःनय् जात प्वलय्ता, नपां कम्युनिष्ट आन्दोलनता अफ्न स्यल्लाक हछ्याय्ता तेवा वियया नितिं ब्वति काइगु खः। अलय् निर्वाचनय् पूँजीवादी पार्टीतयसं धेबा छ्व सिमा हवःथें हवलः, भवयँनक छ्याड, लोभक्यड, हेयकः, काथंया विकृतित छयल्य्गु याई अलय् इमान्दार देशभक्त उम्मेदवारतय्ता थाकाइ मखु । इमान्दार व देशभक्त फुक्कासिता बुकय्ता पूँजीवादीतय्सं फुक्क जः छ्यली वैचारिक धिंधिं बल्लायाय्ता पूँजीवादी उम्मेदवारपिन्ता अः पुक त्याकय् मबियता नपां निर्वाचनय् त्याकः वाड जनतानपां ज्यासाडः, हज्याय्ता कम्युनिष्ट तय्सं पूँजीवादी निर्वाचनय् ब्वति काई ।

एमाले व माओवादी निर्वाचनता समाजवादी क्रान्तिया लागिं छ्यःगु मखु, संसद, प्रदेशे अपलं त्याकः बहुमत ह्यो संसदं समाजवादी क्रान्तिहय्गु संशोधनवादी नीति कःघाता । नेपालय बहुदलीय प्रतिस्पर्धा समाजवादी क्रान्तिया पुसा हवः म्हा मदन भण्डारी खः । वं जनताया बहुदलीय जनवाद (जवज) नीति हचिइकला नपां एमालेता संशोधनवादी पार्टीखय् हिइकः बिला । उकिं मदन भण्डारीता नेपःया वर्नस्टिन नं घाइगु ! वर्नस्टिन मार्क्सया शिष्यमचा खः । अलय व घोर अवसरवादी नपां सुधारवादी नेता खः । वं पूँजीवाद दुनं हे ज्यापू ज्यामिया धुकु बल्लाकय्गु ज्या याय् फै धायो मजदुर वर्गया संघर्षता आर्थिक सुधारया खाँखय् तः केंकः तय्गु मति तयो मार्क्सवाद या दार्शनिक, आर्थिक व राजनैतिक आधारभूत सिद्धान्तया संशोधन व क्रान्तिकारी पार्टीता संशोधन वादी पार्टीखय् हिलय्गु कुतः याता । अ. माओवादी व एमालें साडः च्वंगु ज्या स्वयंबल्य् मदन भण्डारीता वर्नस्टिन धःगु तस्कं हे पायछि खानय् दः ।

5u"b; 'Vjk gu/kflnsftf sfof] 5sll :jo\ cfgf gllskfof axdt bM. lzlf j :jf:yo vo\cfgf gu/kflnsfof ckn+nufgl bM. kns l; of nflu+pRr lzlf sfof\dfsf, bfsM lesM afnfsM lzlf Ao"ao"j of] Rjµ' bM. cno\s[b] ;/sf/]Rjlk; +klkft j kfjql hbf]Hof ; f°Rjµ' bM. Vjk ljZj ljBfno rfo\$ bfsM lesM affis lrlst; st Ajnfsj' vfoF; 3 ; /sf/ uAnj ; sf/flds dh'.

स्थानीय निर्वाचन हःनय वसेलिं पार्टी द्रहँ वानिपनिगु जात्रा हे खानय् दः । छम्हाहे मनु तःगु पार्टीखय् द्रहँ वांगु खाँ नं प्याहाँ मवगु मखु । करोडौं तका दां खर्च याइगु, गुण्डा, तस्कर व ठेकेदारत पार्टी दुनयँ दुथ्याकसेलिं उकिया बाँमलागू लिच्च पार्टीता गुलिलाई धाय्गु खाँ नेता तय्सं विचः मया । सिन्हं तिकः कम्युनिष्ट पार्टी खय् द्रहँ वां पिसं गथे पार्टीया नीति काथं ज्या सानी ? पूँजीवादी पार्टी, विचः व सिद्धान्त स्वयो हुलमुलं धःथें याइगुलिं खः थें च्वसां थःता कम्युनिष्ट हे खः धायो जुइपुं यां लज्या चाय मःगु खः । निर्वाचन विचः व सिद्धान्तया धिंधिं बल्ला स्वयो धन व शक्तिया धिंधिं बल्ला जुयो च्वंगु दः ।

छू ई न्ह्यो माओवादीया नायो प्रचण्डं छगू सार्वजनिक ज्या



वयस्वंगूगु स्वप पौ, बःछि पौ(पाक्षिक)

इवःसं धाला- गाउँपालिकाय् चुनाव ल्वाय्ता ३०-४० लाख, अध्यक्षख्य् ल्वाय्ता करोड तका मः। प्रदेशे ल्वाय्ता नेगु-प्यंगु करोड संघ्य् ल्वाय्ता डगु-च्यागु करोड मः। उलि धेबा खर्चयाड नं माओवादी चुनाव त्याक्य् फैगु खानय्मरु। प्रचण्डया उगु धापुं माओवादी तयसं फुक्क धाय्थे मार्क्सवादी सिद्धान्त लुमांकः थःता नेपाली कांग्रेसया इवल्य् थानय् यंकगु खाँ हाल चवनय् मालि मखुला ?

२०६५ सालया खाँ खः संविधान सभाय् दकलय् तःहांगु दल जूयो माओवादीत नकतिनि सरकारया न्ह्यलुवा जुयो च्वंगु इलय् नेपाल मजदुर किसान पार्टीया प्रतिनिधिपिसं उल्लेया प्रधानमन्त्री प्रचण्डता बालुवाटारे नपालाडः नेगुप्यंगु महत्वपूर्ण सुभावा ब्युगु खः। नेमकिपाया प्रतिनिधिपिसं ब्युगु सुभावा खः - माओवादी सशस्त्र संघर्ष वगु, जनतां भोट बियो सरकारे थ्यंकगु इलय नेका एमले स्वयो बिस्कं पहलं ज्या साड केनय् मः। देशय् माओवादीं छुं याइला धाय्गु जनताया विश्वास दः। माओवादी बल्लागु जिल्लाय् शिक्षा व स्वास्थ्य उपचार धेवा म्वाय्कः निःशुल्क याय्गु, जिल्ला जिल्लाय् च्वंगु सामुदायिक अस्पतालय् सुविधां जगु अस्पताल दय्केगु क्तः याय्गु नपां तालिम दःपुं शिक्षकत छ्वयो सामुदायिक ब्वनकथित भिंक बांलाक यंक्ये मः। डादातक देशय दुनय थव नीतिलागू याः सा मेगु चुनावय् प्रचार हे याय् म्वाय्क माओवादीता जनतां त्याकी।

बांलाम्हापासा थजम्हा पार्टी ब्युगु सल्लाह-सुभावात न्यडः प्रचण्ड तस्कं लय्ताला। वयकलं थजगु सुभावा विडपुं अःतक सुं हे मवनिधायो दिल। देश व समाजया नितिं नेमकिपाया थुगु सुभावात कः घाडः हज्याय्गु तयार दः धायोदिल। उगु इलय् माओवादी नेता दिनानाथ शर्मा नं नपां हे दः। वयकं यां भन संसदीय समितिसं छुं नं समितिया सभापति नेमकिपाता बिय्गुतक खाँ धायोदिला। प्रचण्डपिनिगु थौं क्वह्यो वाड च्वंगु स्थिति खाड छक लुमांक जक बियो च्वडागु खः। धाथ्थे नेमकिपाया सुभावाकाथं देश व जनताता भिं जुइगु ज्या यागु खः सा माओवादी छ्वयो, हालः कांग्रेसया छुपे जुयो वानय् मालिगु मखैगु जुई।

खयां पूँजीवादी व्यवस्थाय् बांलागु ज्या याः सां भिंपुं कम्युनिष्टतय्ता अ. पुक त्याक्य् बिई मखु। अथेहे जूसा कम्युनिष्ट सरकार भंग याय्ता नेतातय्ता जेलय् तय्तानं लिफ स्वई मखु। सन् १९५७ खय् जूगु केरालाया निर्वाचनता छक स्वसां गा। जनतां कम्युनिष्ट पार्टीता बहुमत बिला। नेता नम्बूद्रीपाद मुख्य मन्त्री जुला। वयागु न्ह्यलुवाया सरकारं मन्त्रीतय्गु सुविधा म्हवँ याता, शिक्षकपिनिगु तलब ताडः बिला, विश्वविद्यालयत ल्हवडः भिंकः यंकला। किसानतय्ता भियाय्ता भूमि सुधार याता। स्वास्थ्य उपचारे बांलागु व्यवस्था याता। उगु सरकारं जनताया भिंजुइगु ज्या बुलुहुं छगू छगू यायां याड हः सेलिं कांग्रेस पार्टी, कम्युनिष्ट तानाशाहीया विरोधय् ल्वाय्गु घोषणा याता। कांग्रेस ताण्डवन्य

क्यन। व आन्दोलनया त्वहः तयो संसद भंगः याड, राष्ट्रपति शासन लागु याता। सन् १९६५ य् हकनं चुनाव जुइबलय् हकनं कम्युनिष्टत त्याता। उकिता नं भंग याता। खयां अःनं केरालाय् बामपन्थी तय्गु सरकार खः।

कोरोना महामारीया इलय जनताया भिं ज्या यागुलिं 'केराला मोडेल' भारते जक मखु अन्तर्राष्ट्रिय लागाय् नं थव खाँ बयबय जुला। बंगालय् ता ई तक वाममोर्चाया सरकार दय्कसां लिपाया चुनावय् ममता वेनर्जी न्ह्यलुवाया ट्रिमूल कांग्रेस त्याकला। अलय् वाममोर्चा म्हवचा सिटय् जक त्याक्य् फता। थुकिं भू सिय् दः- धः सा पूँजीवादी चुनावय् पूँजीपति वर्गत फुक्क मिलय जुयो कम्युनिष्ट पार्टीता हःनय् वांक्य् बी मखु।

छगू दसु छवप नगरपालिकाता कायो छकः स्वय्। आना नेमकिपाया बहुमत दः। शिक्षा व स्वास्थ्य खय् आना नगरपालिकाया अपलं लगानी दः। फुक्क सिया लागिं उच्च शिक्षा काय्गु मौका, दांकः, भिंकः, बांलाकः शिक्षा ब्यू ब्यू वयो च्वंगु दः। अलय् केन्द्र सरकारे च्वंपिसं पक्षपात व पूर्वाग्रही जुयो ज्या साडः च्वंगु दः। छवप विश्व विद्यालय चाय्क दांकः भिंकः बांलाक चिकित्सकत ब्वलांकेगु खायं संघ सरकार गुल्ले सकारात्मक मजु। २०६०/६१ सालनिसे चाय्कः न्ह्याक तःगु नगरपालिकाया नर्सिड कक्षा थुगुसी माओवादी शिक्षामन्त्री देवेन्द्र पौडेलं १०० गू शैय्याया अस्पताल मरुगु त्वहः तयो बन्द याक्य् बिला। कोरोना महामारीया इलय सरकारं नगरपालिकाता विमा वापत बियमःगु खुगू करोड तका स्वयो अप, धेबा मबिला। संघ व प्रदेशे एमाले द सां नेकांजसां छुं पागु छवपया जनतां मताय्क।

थःता कम्युनिष्ट जक जुइपुं माओवादीत व एकिकृत समाजवादी पार्टीतय्सं अ. कांग्रेसता सत्ता लः ल्हाडः, ब्युगु दः। गठबन्धनया नामय अझ तःदा तक कांग्रेसया लाहातय् सत्ता लः ल्हायता तयार जुयो च्वंगु दः। वर्ग शत्रुता तरवार लः ल्हाडगु माओवादी व एकिकृत समाजवादी पार्टीया अवस्था छु जुइ व कन्हेया निभालं क्यनि। न्हाकं पिड तुलसीमा बुइगु कल्पना गुल्ले याय् मज्य् नेगुप्यंगु सीट संघ, प्रदेश व स्थानीयखय् त्याक्य्ता सिद्धान्तहीन ज्या सानय्गु थें खः। आत्मसमर्पण सिधैगु लाँपु खः। निर्वाचन पूँजीवादी प्रजातन्त्रे जुइगु नियमित प्रक्रिया खः। निर्वाचनता कम्युनिष्टतय्सं जनताता राजनैतिक शिक्षा विद्युगु विश्वविद्यालय काथं छय्लय् फः सा उकिया महन्व अझ अप्वइ। पूँजीवादी पार्टी तय्सं डादा तक यागु जनविरोधी ज्यात जनताया हःनय् जात प्वलः क्यनय्गु हे अ.या कम्युनिष्ट तय्गु कर्तव्य खः। कम्युनिष्ट पार्टीं छगू छगू निर्वाचनता पूँजीवादया विरुद्ध बैचारिक युद्धकाथं काय् मः। अथेयाय् फःसा जक पूँजीवादी पार्टी तय्सं न्ह्याक्वहे धेबा खर्चयासां त्याडपुं कम्युनिष्टत हे खः छाय् धःसा जनतां कम्युनिष्ट तय्ता यःक च्वंगु द।

खोकनाया न्हापांगु तःमुंज्या सं

दकलय न्हापाँ जित श्वो व्यंग्य चित्र (कार्टून) क्षेत्रहें लगेजुया कार्ययायत थप उत्साहित जुईक वियादिगु श्वो मान संमान कर्ता परि वार प्रति हार्दिक आभार व्यक्त याना च्वोना । ज्वो ज्वो लप्पा । नमस्ते ।



जिगु जिन्दगीया थी थी अनुभव अनुसार व्यंग्य चित्र अथवा कार्टून क्षेत्र नं अती आवश्यक क्षेत्र खः धैगु अनुभव याना च्वोना व्यंग्यो चित्रकर्मिपिन्स प्रत्यक्ष वा अप्रत्यक्ष रुपहे राष्ट्र व समाजय सहयोग याना च्वोनी । विशेषयाना थ मौन जुया समाजय खेनेदुगु खाना च्वोनी थी थी विकृती विसंगती अन्याय अत्याचार भ्रष्टाचार आदि ईत्यादि यात सुधार यायगु उद्देश्य खत थगु सशक्त रेखाया माध्यम जनमानस व्यंग्यो चित्र (कार्टून) बोयगु ज्या याना च्वोनी । उकि नाप नाप सरकारं यागु कमिकमजोरी यातनं कुटुकुला केनेगु निरन्तर रुपं कुतः याना च्वोनी ।

जि जीगु व्यंग्य चित्र रचना मार्फत व्यक्ति या मखु विकृतीया विरुद्ध न्ह्याबलें सुधार व परिवर्तनया सोच तयमा धैगु विचार याना वया । अन्य रचनाकार पिन्स नं श्वोहे धारणा तयमा धैगु धारणा दु ।

पंचायत कालं कार्टून च्वोंगुन्हो (चव्य हॉ) च्वों कवों जः खः विचार पुरेयायमा श्वो हे कार्टून च्वोगु सिल्लीलौ मंत्री व नेताया चम्चा पिन्स थाय् थाय् लॅपना जिमी मंत्रि ज्यू अथवा जि मि नेता ज्यु तेगु कार्टून छुया आधारे दयकागु ? छाय दयकागु धकाः धम्केयाना ख्याय्गु स्वई । श्वो कार्टून या सिलसिला साप्ताहिक विमर्श च्वयागु कार्टून याना संपादक जेले लात, समिक्षा साप्ताहिक बन्दहे जुल । छक निक श्वो मन ग्यानानं व । छक निक पासा भाइ पिन्स वा वा धाई वलय न्ह्याईपुसे न च्वो ।

जि २०२८ साल नीसे नयाँ सन्देश साप्ताहिक व विभिन्न पत्रपत्रिका कार्टून च्वोयगु सिल्लीलाय छन्हु, छम्ह मनु जिगु अफिसे वल श्वो कार्टून सुनां च्वगु धकाजिके न्यना जिं धया जिंहे च्वोयागु ख । छुँ गलती जुल कि ? मखु बाँला जिगु पत्रिकाँ न कार्टून चोय माल । व मनुनं जिगुनांछु ? , जिगु गाँ गन धका नेन । जिं जिगुनां मोहन श्याम । जिगु गाँ खोकना खः धका धया व मनुनं छक्क परेजुया हान नेन, गन धया ? खोकना धागु गाँ गनला ? जिं गवलें मन्यना । गन लात ? पूर्व पाखे ला कि पश्चिम पाखे ला धाल । व मनुया खँ नेना जित गजव लगेजुल जिगु जन्मस्थान खोकना अथवा भिगु खोकना दे गुलीजक ल्युने लागु धयाथे जुल । जिगु मने दुनेहै गनगन स्यागु थें जुल । अलेजित विचार वल कि जिगुनां चलेय मजुसाँ, जिगु जन्मस्थान खोकना देया नांचलय जुसा भन बाँला जिगु ना चलेमजुसा छुजुल ? धका वहेदिन नसें प्रतेक कार्टून डिजाइन चित्र खोकना, खोकना नांतया २०२८ साल नसें थऊं तकनं प्रचार प्रसार याना



वया चोनागु खः कार्टून च्वयगु सिलसिला २०५७ साल वासुदेव लुइटेल गुठि या तर्फ नगद पुरस्कार स्वरुप रु १,११,१११/- प्राप्त जुल श्वो खुशिया खँ खँ थउ वया जित जिगुनांमोहन श्याम धका मसतुसे खोकना जि धका सतिवले श्वो मन अती हे आनन्द महसुस जु । थौ श्व मञ्च वया निसपेस मनूया खँ कने दुगु भाग्य नं श्वो हे खोकना नां नं याँनाँखः धैगु अनुभव जुल । यको यको सुभाय् ।

(यल खोकनाया न्हापांगु तःमुंज्या सं हानेज्यायाम्ह कार्टुनिस्ट मोहन श्याम 'खोकना' जुया न्वचुयासार संक्षेप ।)



चयस्वंगूगु स्वप पौ, बःछि पौ(पाक्षिक)

छगू बिस्कं पहःया नखा, बिस्का

आशाकुमार चिकंबञ्जार

संस्कार दुनय संस्कृति, संस्कृति दुनय संस्कार स्वप्याड च्वंगु खौं यक्वसिनं मथूसां संस्कारया खतय् च्वडः नखाया लप्ते तयो भ्वे न नं जात्राया हुलय थः ता तांकः च्वनि । गुब्ले संस्कृतिं थःता कः घाइपुं जनतात ग्वाली ल्हाडः स्वयो च्वनि अलय गुब्ले जात्रा डाय्किपुं जनतां ग्वाली ल्हाँलां लाहा मिखालय च्वय पाली थें तयो स्वयो च्वनि । अलय लाहाकुनिड च्वनि छन्हु, नेन्हु, स्वन्हू ... मनि दक । मनय् सलिंचां यली । नखा चखाता छु छु मः धाय्गुखाँ ब्याकी । जोरजाम याई, मवगु छता-नेता न्याड है । नेवः संस्कार , नेवः संस्कृति भ्नी पहः, भ्नीगु म्हासिका पिब्वयगु इवलय लयताया ख्वःब्वयो न्हूगू नं, फियो, न्हूगु परासी सिड : थःगु हे पहया तिसा तुकिचा, मुकिचा, माकसी, धुङ्ग्री टप छु छु दः तियो वै थः ब्वय दः कत स्वय दः जकः ।

भाजु मदनकृष्ण श्रेष्ठ म्येँ हाल द्यूथें उकिसनं लयलय पतिं नखा - चखा वै हे च्वनि दुपिन्ता ला न्ह्यौ वुसें च्वनि मदुपिसं भस्का तया च्वनि ॥

नखा चखा डाय्किगु नेवःतय थःगु हे पह दः । थी थी जात्राया नसा-त्वसा निसें याइगु जात्रानं पा । मनूया सभ्यताया चर म सिमा थ्यंगु ई या नखा दक धाय् बिस्का नखा । छगू विस्कं पहः या बिस्का नखा । धाई आपा हांगु खः लुइगु ख्वपय बाहेकं हलिमय गनां हे मरु । छगू संस्कार दुनय छगू लोक बाखंत थाडः साहित्यता नं संस्कृति दुनयया क. घाइः यकिगु नेवः तय्गु थःगु पहः खः । वहे न्येँ कं बाखं दुनयया खैला ? जुइला ? धाय्गु अन्ध विश्वासयाता





चयस्त्वंगु स्वप पौ, बःछि पौ(पाक्षिक)

सूखुलीं ल्हाकः विश्वासया चिराग मता च्याकः चान्हयनं न्हिनय्
याय् सः पुं नेवः तय्गु संस्कार उकिं हे च्वजःगु खः ।

भैलखः छगू काष्ठकलाया च्वजःगु नमुना, उकि कियो
तःगु छगू छगू बुद्धाख्य् भी पुर्खाया हि चःति दः । अलय छगू उच्च
कलाकारिताया नमुना नं खः । धान्ये घःमानिसें अँसी, खःया पोल्हें
त्वनसिं, गःजु फुक्क गणितीय मिखांल स्वसां उलिहे कुं लुइकः
बांला, इञ्जिनियरिड काथं नं भन हे नमूना मधःसैं मगा । मेगु छगू
लुकुं बिड च्वंगु खौं यां उकि दुनय्या रड्ग समायोजन नपां घःमा
खय च्वइगु मिखा नं खः। मिखा काडानं मखांगु व मिखा, संस्कार
या न्ह्यपुं वायक स्वया नं मखांगु पक्ष उलः स्वयम थें च्वं । उकि
दुनय्या छगू छगू पक्षता उल स्वयमः थें च्वं । थ्व चित्रकलाया छगू
नमूना, छगू इतिहास, छगु दसु । छम्हा पुं नं च्वयो वयो च्वंगु सदियौं
निसेंया निशाना छाप, संस्कृतिया पलं ।

उकि च्वनिम्हा भैलः द्यो, अथेधाइ काशी नं ल्योसिंद्यो थांगु
स्वः व बलय तान्त्रिकं घेरै याड जमिनय दुसुड वांसेलिं कपः छग
: इज्जिखं ध्यड कायो ख्वपयसं तयो तः म्हा द्योयाता भैलखतय् तयो
जात्रा याई । भैल द्योया बाहाँ भुजिं धाई ।

भुंजी खानय दयो वलकिं बिस्का सतित धाई भुजिं नं
च्वय्क वल धाई । भुजिं वलकिं ल्वय नं ज्वड वैगु स्वास्थयया
खाँयाता सन्देश काथं जनतात स्कलय वाडः ज्ञान काय् मरूगु इलय
संस्कार, संस्कृतिया लिधंसाय् सन्देश विइगु पुर्खाया पहः गथे बैज्ञानिक
मजु धाय फैं ।

अँसीखय् च्वनिम्हा बेत द्यो, तस्कं मोहसुरम्हा द्यो धायो
द्यो छौं बिस्कं दय्कः क्वपुसां पुइकः चिड तःसां बिस्का वलकि फ्यड
बि । अलय बेत द्यो थाय् थासय् बिज्याडः दुर्घटना याइगु खौं नं ख
पुर्खा धायो तकगु दः । थुकि दुनयया सत्यता मा मां वानय बले
चिकुलाया चिक् पहुँ त्वः तः लुमुयो वसेलिं जुइगु चञ्चलतां च्वतिलः
जुइगु घः पः याता बेतः द्यो वं याइगु धायो तःगु जुयमः । इयालं अप
क्वस्वयो च्वनकीं इयालं लुयो काई, कसिं क्वः स्वयो च्वंसा कःसिं
क्वफ्वाइगु, स्वःन्ह्य च्वड च्वंसा स्वन्हं क्वफ्वाइगु धायो कुतँ
वानिथाय् च्वड-च्वनिबलय् इकुयो इवात दाड चक्कर वयो कुतौं
वानिगु याता बेतः द्योवं यागु धःगु जुय्मः ।

बेतः द्योया क्वसं भैलखया हःनय्या अँसीखय् तः तः रवगु
धंगला भैलखः हलः सावधान जू धाय्गु सड्केत नं खः । श्वनं छगू
हपः हे खः । अलय भैलखतय् बुहापाकां कानिगु न्यडा ।

भैलाख लुइबलय व ल्योसिं द्यो थानिगु इलय बिइगु हःपः
हःसय्, हाईसय या नेवः खाँगवः दुनयँ तहांगु शक्ति दः । छप्पाछधिया
चिं दः । गथे भैलखया सहँ-सहँया स्वापुंज्वडः भैलख छधियुयो
च्वनि अथेहे हसय्-हाँसय्या भीगु मौलिक खाँगवल्य् दः । नपां
वलखिपथें का छपु-छपु मुडः छप्पा छधि जुयो जकः जात्रा हज्याय्

फैं धाय्गु सन्देश नं कयं । अलय प्यचा धःचा नं प्यंगु दिशाया संकेत
जुयमः । प्याखेरें मुडः वयो जात्रा बांलाक न्ह्याकी धाय्गु छगू सुचं
नं खः ।

विज्ञानया उपलब्धी मोटर नं खः । अलय जिं स्वय् मोटर
जन्म जुय हौं पक्का भैलख दयकगु जुयमः । वहे विज्ञानता चक्का
(घःचा) तयो न्ह्या कसा सालय अःपुइगु यन्त्रया आविष्कार भैलख
नं खः धःसा नं पाई मखु ज्वी । उकिं थ्व विज्ञानया छगू लुखा व
मोटरया पुर्खा धःसां बांलाइला ।

भैलखया तः हाँगु खः स्वयो नकिंजु अजिमाया नकिंजु
खचा चिच्याहांगु खः या प्रतिक खः । उलि चासो मतैगु मचा तयसं
जक लुयो नं थातय् लाकिगु उगु नकिंजु खचाखय् बिज्याइम्हा
भद्रकाली अजिमां परदेशीता तलेजुइ (दरवारय) छ्वयो रानीया
न्हासं प्याहाँ वइपुं नाग नागिनया गुह्य खौं कांगु लोकोक्ति नं दः ।
वहे नाग नागिन हलिंपतः तय हौं ५५कु हाकगु ल्योसीं गुईं नं ल्योसीं
थयो ह्यो उकि हाड यखायो क्यंगु जनविश्वास दः । अःतक अनुसन्धानया
इवल्य् विश्व ध्वजा धःसां जनमानसय् हलिंपतः जक धायो च्वंगु
खाँगवः दुनय् दुवाल स्वय बलय 'हायलिं या अर्थ 'डायगन' खः ।
गुकियाता विं स्याडागु जात्रा धायो वहे खाँगवः अपभ्रंश जुयो बिस्का
जात्रा जुला नं धाई । अले थुकिता छगू काथं बिस्कं पहःया जात्रा
धःसा बांलाइला ?

ल्योसिं थानिगु मेगु जात्राया आकर्षक खः च्यापु वलँ
अष्टमातृका व योसिं द्यो वं कपालय व लाहातय् वाउँगु कचा तयो
क्यंगुया अर्थ वसन्तया प्रतिक मखु गथे धाय् ? अलय वहेकचा
लिभालय् पाडः सुकुचि सेलिं वसन्त फूगुयाय् सड्केत नं धाय्फः ।
संस्कृति विंद तेजेश्वरबाबु ग्वंगः जु ल्योसिं गः योनी या प्रतिक अलय
ल्योसिं द्यो लिङ्गया प्रतिक काथं छ्यः गु धायो, द्युगु दः । थुगु इलय
वसन्तया आगमन नपां सिमाचुली जायो, वसेलिं पशुपन्थी किटपट्ङग
व मनुया जौवन नं हर्ष नं जायो वै गुलिं प्रकृति नपां स्वापु तयो नं
बिस्का जात्राता स्वयगु याय् मः ।

अथेहे धौबंजार सरं हलिंपत मखु विश्व विजयया
प्रतीक विश्वध्वज नं धायो द्युगुलिं इतिहासया ख्वःपा खानय् दः ।
अथेहे प्रा.डा. पुरुषोत्तम लोचन श्रेष्ठ जुं नं थःगु च्वसुखय् विजय
ध्वजाया काथं कायो तःगुलिं इतिहासया पाना पुइकः छकः लिफ
स्वय्गु बाध्य याड बी ।

ल्योसिंद्यो गखय् भ्वसुता अखय् न्हपालाड व वयो वापिज्या
न्हपालाडगु भी पूर्खाया धापु स्वय बलय् थ्व मौशम अनुमानया छगू
सूचक नं धाय्मः ।

बिस्का बलय् बिइगु बली प्रथा नं छगू बिस्कं पहः या खानय्
दः । निश्चित लागाय्या मनुतयसं थी थी बली बिई । बेत द्योता
मिखुंचा, भैलद्योता में, दुगु, ल्योसिं देकय् फैं विशेष स्याइगु नं अःतक



वयस्वंगुगु स्वप पौ, बःछि पौ(पाक्षिक)



देछिया मनूता द्यो स्वगं ब्यू वानिगु चलन तस्कं बांला । अलय् छुमः गणेद्योया जात्रा, महाकाली व महालक्ष्मी ब्रम्हायणी व माहेश्वरीया जात्रा थजगु जात्रा नं याई ।

नेपः देशय् दाच्छी यंकं जात्रा दः धाय्गु संकेत काथं चैत्र मसान्त विक्रम संवतया साल तमाम व बैशाख १ गते सालया सुरुवात जुइगु काथं २०७८ सालय थाम्हा ल्योसिं द्यो २०७९ सालया वैशाखं क्वथइगु काथं दाच्छीसारया नखाता नं क्यं । नेवःतय्गु न्हूगु साल धःसा म्हापूजा बलय् खः । थुगु वि.सं. नपां स्वापु मरुसां छगु काथं सहिष्णुता काथं याड तःगु जुयमः ।

अलय् म्हाय्य मचा, जिलाजं स्यापुं सकलें खुल्लाय् छक भवें नक्य

याडः वयो च्वंगु दः ।

अथेहे तालाक्व त्वाल्य् थानिम्हा लाहामरुम्हा ल्योसिं द्यो धः सा चैत्र मसान्तं थाड च्याचा गुन्हुथानिगु चलन दः । ला खुयो नःगुलिं लाहा पालब्यूगु जनश्रुति दः सां जेठा गणेश (ज्याथा गणेश) या हःनयं थानिन्हा थुम्हा ल्योसिं द्योयाय्गु उलि चर्चा मयासें थुकिया खाँ न्हि मथासें धःसा बिस्का पू वानि मखु । थुकि धःसा हलिंपतः नं मरुगु ल्याखं हलिंपतः छु खः ? श्व वहे ल्योसिंद्यो नपांया स्वापु गुलि दः धाय्गु स्वयो छप्पा छधिजूसान्हाथिन्योगु ज्या नं पू वांक्य् फैगुया दसु जक खः थें च्वं । वहे ल्योसिंद्यो लूयो है बलय् निसें थाडः क्व थै बलय् तक फुक्क मनूया ग्वाहाली मदय्क मगागुलिं नेवः त छप्पा जुयमः वा भी ल्वात धःसा कतं सास्ती याइ धाय्गु सदेश हे खः ।

डातापोल्हें साक्षी तयो तः मारी भैलखः तयो थःनयं व क्वनयं गुख्य् यंक्य् फै धाय्गु धिंधिबल्ला नं छगु बलया प्रदर्शन नं खः । गुकी गुख्य् पाख्य् जनसंख्या अप्ठः दता धाय्गु नं स्वय्गु याइगु नं न्यनय् दः । अलय् थःनयं यंकसा इनाचो व क्वनय् जूसान्हा नासमना तक यंकिगु जूसान्हा अः व ध्व नं पुल यंक्य् धुंकल ।

बिस्काया मेगु पक्ष खः ल्वाकिगु नं खः । खः थातय् लाकः गःहिति भैलखः व नकीजु खचा ल्वाकिगु भैरव व भद्रकालीया समागम जक नं धः । थुकिलिपा थी थी त्वाल्य जात्रात न्ह्याकी । बिस्काया प्यन्हें हों द्यो क्वहें विज्याइगु खःसा ल्योसिं, क्वथःगु प्यन्हू लिपा ख्वपदेया फुक्क धायथे द्यो थः थः गु त्वाल्य् क्वताय् हयो देशां

मःगु दशमी व बिस्का काथं धःसा थुकिता तःहांगु नखा काथं जक मखु छगु विस्कं पहःया नखा काथं डायकः वयो च्वंगु दः । चुपिंगालय् ख्वः सिल दांम्हा ल्योसिंद्यो नपां भैरव, बेताल व भद्रकाली पूजायाडः डाय्किगु थुगु नखा नेला (चैत्र+वैशाख) दाच्छी (२०७८-२०७९) तक डाय्किगु खयानं छप्पाछधि जुयमः धाय्गु सड्केत नपां वसन्त क्वचःगुया सड्केतया थुगु नखा धात्थें हलिमय बिस्कं पहःया खः । उकिं थुगु इलय् घातु हाली

थतिं जागु रस रड्ग त्वलता व

राम हँ, जि गना वानय् ?

वालख गरभनं, प्याहाँ वया बेलसं

प्राण मल्यनि थें चवन

राम हँ जि गना वानयँ ॥

उब्ले राणाकालय् नं भारायंकः सिं कुबिइके यंकिगु दुःख या म्यें नं थुकाथं हे हाल नुगु खाँ कानिगु, प्वकिगु पाखं नं थथिजागु रस रड्ग त्वतः जि गना वानय् धा धां जुजु रणजित मल्लं चिंगु म्यें दक नं थौं तक दाफा भजनय् बिरह याड श्व नेपः दे कतया लाहातय् लागु भी भी मिलय् मजुयो खः धाय्गु ज्ञान ब्यू ब्यू त्वाय चिडागु नं भीसं केपुली अथेधाय् स्वनिगःया लुखा चाय्क ब्यूपुं नं नेवः तः हे खः धा धां भीगु बिस्का नखा बलय् ल्वापु थैपुं नं भी हे नेवःत खः दक कन्हे इतिहासय् थमचव । श्व हे रस रड्गया नखा रसरड्गं हे हानयँ । न्हूगु वि.सं. या भिन्तुना नपां ।

मुर्तिकला व चित्रकलाया कलाकार रमेश प्रधान

राजकुमार लघु

खप दे, कला संस्कृति व सम्पदा खय् नां जःगु थाय खः । उलिजक मखु थानाया जात्रात विस्का जात्रा, सापारु नं तसिक न्ह्याय् पु । खप दे जुजु धौ या लागि नं संसारे नां जः । विस्का जात्रा अले सापारु स्वयगु मतिं खपय दे दुनय् विदेशी पर्यटक त वई । जु जु धौ नई मन चंचल यार्ई । अथे तु भीगु देयता नं कलाकारिताया माध्यमं देशे व देशं पिनय म्हासिके बिय या लागिं मेहनत व लगनशील व्यक्तित्वया धनी तः ख कलाकारपुं । कलाकारया विधा यको दः । खिं थाईपुं, प्याखें लहुइपुं कलाकार, छुधा प्याँख व ख्याल म्हेतीपुं, बासुरी पुइपुं, बेला किइपुं कलाकार, म्हेतीपुं कलाकार .. ।

अ भीसं थाना चर्चा याय ताडाम्हा कलाकार खः, भाजु रमेश प्रधान । वयकं चित्रकलाया नपां मुर्तिकलाया कलाकार नं ख । सेरामिक कला व मुर्तिकला ता वयकं व्यवसायिक रुपं न्ह्योनय यंक चवंगु द । वयक नं थं-कन्हे हाकुफो हिटीचाय भक्तपुर बैक्वेट थिक मुर्तिकला नं दयकीगु व सेरामिक नं दयक उद्योग याड पस नं चायक चवंगु दः । वयक यागु उद्योगया नां खः क्रियटिभ सेरामिकस (Creative seramik) ।

रमेश प्रधान वि.सं. २०३४ साल श्रावण ४ गते तालाको त्वालय बुगु खः । वयकया व्वा जुजुमान प्रधान व मां कान्छी प्रधान खः । वयकं कां काथं चित्रकला व मुर्तिकला खय् लगे जुया बलय छुं हे आजु मरुगु जुयो चवना । बासु स्कूलें आखः ब्वं ब्वं तालक्वें च्वम्हा कलाकार रामशरण प्रजापति याय भुप आर्ट खे चित्रकला सयक दिल । ख यां स्कूलय ब्वं सा निंसी हे कला खय् लगाव दगुलिं चित्रकला सयक वाँगु जुल । चित्र कला सयक-सयक हे धिंधिं वल्ला कासाय व्वति कायो दिल अले सिरपा नं त्याकः हल । अलय तिनी छम्हा बाँला म्हा कलाकार जुहे जुय् धायगु मति खं, चित्र

चवयो तुं चवन मुर्तिकला या बिधा खय् नं ल्हा न्ह्याकल । वयकं २०५० सालय बासु मावि पाखं एस.एल. सी. पास याड, २०५१ सालय यँया ललितकला क्याम्पस Fine Art खय् प्रमाण पत्र तह खय् भर्ना जुयो दिल । तर अब्वा मरुगुलिं अता अले दाजुकिजाता नं स्वय मरुगुलिं ब्वनयगु ता हनय यंके मफत । छाय धसा वयकया सोम्हा दाजुकिजा मध्ये वयक थाकाली म्हा जुल । वयकया धापु काथं प्रमाण पत्र तह खय् मुर्तिकला व चित्रकला नेगू हे विषय ब्वनय मगु जुयो चवना ।

कलाकार रमेश प्रधानं २०४५/२०४६ साल पाखय लिसीं चित्र चवगु यात । २०४५ सालय भक्तपुर नगरपालिकां २००७ सालय प्रजातन्त्र हयया लागिं ज्यानया बाजी तयो जु पुं शहिद तगयु लुमंति खे शहीद तयगु फोटोया किपा चक्केगु धिंधिं बला कासा जुगु खः । चित्रकला च्वे धुकानी वहे चित्र ज्वंक खप दे चाहिकल ।

तर २०४६ सालय जन आन्दोलनं निरंकुश व षडयन्त्रकारी पंचायती व्यवस्था मसानघाटय थेन, बहुदल वल तर अतक नं चित्रकलाया ल्याचा हे मव, बीचय सं ताड वान । २०४७ सालय खपया स्टुडेन्स लाइब्रेरी विश्व वातावरण दिवसया लसताय चित्रकला धिंधिं बला कासाया ग्वसः ग्वल । कलाकार रमेश प्रधानं चित्रकला खे हपा सिरपा त्याकल ।

मुर्तिकला व चित्रकला छगू तुं बिषय खः । वयकं विशेष याड सेरामिक मुर्तिकलाय ज्या सड चवंगु दः । एस. एल. सी. लिपा रमेशं सेरामिक कलाय ल्हा न्ह्याकल । सेरामिक कला खे गमला सजावट (सामान एक्ला दलु) शेर, धुं, लिसीं द्यो, मनुया चित्र व मुर्ति, द्यो, देगः, छें दानयता मगु दाचि अप्पा तेराकोत्ता अप्पा खः । चा नं दयक तगु सामान मि खें भन्ताय थंडः ह्योँकः, बुकः दयकिगु ख सेरामिक्सया सामान ।



रमेशं दयकगु कलाकार अरनिकोया मुर्ति बाह्रविसे नपां तयोतगु



वयस्वंगु स्वप पौ, बःछि पौ(पाक्षिक)

मं दम्हा कलाकार

मुर्तिकलाया कलाकार रमेश प्रधानया रुची कलाया सिर्जना यायगु हे खः । अलय बाँ-बाँलागु म्ये न्येनयगु खः । वयकता मं दम्हा कलाकार मुर्तिकार भाजु ठाकुरप्रसाद मैनाली खः । ठाकुरप्रसाद मैनाली नेपालय् आधुनिक मुर्ति कलाया न्ह्याक दिगु खः । विशेष योड कलाकार मैनाली भाजुं दय् कगु, मुर्तिकला त नेपालया नां जगु थाय थासय तयो तगु जुयो च्वना । वयकं दयकगु मुर्तिकला कृषि विकास बैकया मु गुठी, सरकारी कार्यालये, रत्नपार्कया बगैचाय व्वयो तगु द । ख्वपया तिनखेलय च्वंगु सैनिक आवासीय मावि तयो तगु राजा बीरेन्द्रया शालिक रविन्द्र ज्यापुं दयकगु खः । वयकता मे म्हा मनदम्हा कलाकार कलाप्रेमी श्रेष्ठ खः । वयक आधुनिक कलाया प्रवर्तक ख । कलाप्रेमी श्रेष्ठं याँय महाराजगञ्जय् कलाप्रेमी स्टुडियो चाय्कः याड कलाया प्रचार याड च्वंगु द ।

प्रशिक्षण

कलाकार रमेश प्रधानं चित्रकला व मुर्तिकला भोटाहितीया ललित कला क्याम्पसय् ब्व जु खः । तर वयकं गना हे प्रशिक्षण काय मदय् । कलाकार रमेश प्रधान मुर्तिकला दय्के सगुया देन तालाको त्वयाया कुम्हा त्व (pottery Square) या माहोल व बाताबरण हे खः । आना कुम्हा तयसं चा या थाला बालाँ छिगु अल्ले पर्यटक तनं मदिक वाय च्वनिगु थाय खः । आनायागु माहोल व वाताबरण हे वयक या गुरु जुल । वयकं भक्तपुर घरेलु तथा साना उद्योग संघं २०६७ व २०६८ सालय नेक तक ग्वस गोगु बेसिक मुर्तिकला स्येनयगु या बलय् सेड दिल । २०६० सालय लिंसी निरन्तर हिं खुदा तक सैनिक आवासीय मावि, तिनखेलय सेरामिक्स कलाया प्रशिक्षण नपां व्वंक च्वंगु द । धुलिखेलया काठमाण्डौ युनिभर्सिटी खय प्यदा तक मुर्तिकलाया बिषय व्वंक दिल । ख्वपया एभरेष्ट स्कूले नं चित्रकला व मुर्तिकलाया आख नं व्वंकल प्रशिक्षण नं विल । वयकया ल्याचा काथं सछी म्हा सिंता मुर्तिकला स्येनय धुंकल तर गुली सिनं मदिक यागु द लेखा जोखा धसा जिनं मया' धायो दिल ।

प्रेरणाश्रोत

कलाकार रमेश प्रधान कला क्षेत्रे जयया निम्ती प्रेरणाश्रोत वयक या मां हे खः । अलय तालाको या कुम्हा त्वया वातावरण वयकया प्रेरणा ख । वयकं चित्रकला व मुर्तिकला खे वाँलाइ दक



कलाकार रमेश प्रधान थगु मुर्तिकला नपां

श्व विधाय पला न्ह्याक दिल । वयक या काय रुद्राक्ष मान प्रधान खः । रुद्राक्ष याँय उतरधवाका लाजिम्पाट च्वंगु सिर्जना कलेज अफ फाइन आर्ट खे Fine art हे व्वड च्वंगु दः । वकया काय नं बैज्ञानिक अल्बर्ट आइस्टायनया मुर्ति दयकल ।

रमेश प्रधान सु यागु मुर्तिकला दयकला ?

कलाकार रमेश प्रधानं २०७६ सालय कलाकार अरनिकोया नेगु म्हाछिंतुं (पूर्णकद) या शालिक दय् कल । व दय कगु शालिक बाह्रविसे नगरपालिकाय तयो तगु दः । अलय आदिकवि भानुभक्त आचार्यया नं नेगु म्हाछिंतुंया शालिक दयक थगु छे सजावट योड तगु दः । २०६० सालय भक्तपुर क्याम्पसया स्वतन्त्र विद्यार्थी युनियनया नेपाल क्रान्तिकारी विद्यार्थी संघ या सभापति रामप्रसाद प्रजापति सभापति

त्या बले शहिद स्तम्भ तगु दः । व मुर्तिकलया कलाकार रमेश प्रधान खः । व स्तभया उलेज्या नेपाल मजदुर किसान पार्टीया नायो व पुलांम्हा सांसद नारायणमान विजुकछे याड द्यगु खः ।

सिरपा व दसिपौ त्याकल

माछा आकृति खे स्वतन्त्रताया खोजी Searching for Freedom शीर्षकय आधुनिक मुर्तिकलाय प्रदर्शनी आरम्भ पुचं (नेपालय मुर्तिकारतय पुचः) यात ।

आरम्भ नेपाल सन् २००७, २८ फेब्रुअरी लिंसी ४ अक्टोबर तक NAFA Art Gallery नक्सालय ग्वस ग्वगु मुर्तिकला खे विशेष प्रदर्शनी खे शिरपा लात । वय कता संस्कृतिविद सत्यमोहन



कलाकार अरनिकोया मुर्ति दयक च्वंगु



चयस्तंगूगु स्वप पौ बःछि पौ(पाक्षिक)

जोशी सिरपा व दसि पौ वियो सम्मान यात ।

नेपाल ललितकला प्रज्ञा प्रतिष्ठान NAFA हरेक दाय्य याडगु आधुनिक स्वी-छगुगु कला कौशल प्रदर्शनी खे कौशल कला खे, गणे द्यो या अष्ट मातृका मण्डल न्ह्यो व्वयो न्हाप लावलय उबलया उद्योग मन्त्री रामकृष्ण ताम्राकारं शिरपा वा दसी पौ विल ।

२०५४ सालय नेपाल ललितकला प्रज्ञा प्रतिष्ठान NAFA जुगु नी-च्यागुगु राष्ट्रिय कला कौशल प्रदर्शनी खे गरुद्ध मुर्तिकलाय हपा सिरपा लात ।

विदेश यात्रा



कलाकार रमेश प्रधान विदेशी त लिसीं

कलाकार रमेश प्रधान स्वदेशया विभिन्न थासय व विदेश नं चाहिल । सन् २०१६ खे भवखाः व्वय धुक Resdency Community Art work shop या लागि पीन्ह्यन्हु अमेरिका चाहिल ।नेपाल पर्यटन बोर्ड यागु Tourism Fair v] Pottery Domostration व्वति काल ।

सन् २००९ खय दक्षिण कोरिया प्यला तक pottery

Domostration योड वल । आना नं वयकता छगु मौका वल दक्षिण कोरियाया राष्ट्रिय सेरामिक्स कलाया प्रदर्शनी खे भाग काय खान ।

सन् २००५ जर्मन छम्हा नेपालीया Gunburg धगु थासय यागु community Hob seramiksa डय् न्ह्येनु तक Work-shop यात आना वयकं नेगु स्कूलय सेरामिक्सया आख नं बोंकल । वयकलं विश्व प्रजापति सम्मेलन कुम्भकार भेलाय पासा पुं लिंसी भारतया लखनउ नं चाहिल ।

चाहिलयगु सिलसिलाय सन् २००८ स्पेनय न्हिं प्यंगुतक जुगु pottery Domostration Sarogoso खे प्यला च्वड भाला । सन् १९९९ लिंसी २००२ जर्मनय नेपाल पर्यटन बोर्ड न्ह्यो ब्वगु Itb Tourism Fair Pottery Domostration खे नं व्वति काल । आना हिं-छगु दिन तक pottery demostation यात । सन् २००२ खे सापारुया इलय भक्तपुर नपा व भक्तपुर टुरिस्ट डेभलमेन्ट कमिटी मुड यागु फुड फेस्टिबलय चित्रकला व मुर्तिकला प्रदर्शनी यात ।

कन्हय मति (योजना)

कलाकार त व नेपाली कला त थाकायया लागिं नेपालया कला प्रचार योड विदेशे नं थेंकेगु । ख्वपया कला न्ह्यो व्वेगु (कलाया कार्यशाला , प्रदर्शनी, कलाया प्रशिक्षण) मति द । याकचां ख्वपय हे एकल कला प्रदर्शनी ART Gallery यायगु मति द । ख्वपय कलाकार तयता आकर्षित यायता कार्यशाला गोष्ठी न यायम म । ख्वपय नं कला संस्कृतिया व्वनय गुठी म । स्थानीय सरकारं थकि नं ध्यान वे म ।पुलांगु कला नपां न्हगु कलाता जोड वियो म्वाकेगु कुत यायमः । काष्ठकला व मुर्तिकलाया प्रदर्शनी याय मः । राष्ट्रिय कला प्रदर्शनी खे ख्वपया कलाकार भाजु मयजु पिसं न कला न्ह्योबोयो त्याक च्वंगु द तर थाना लेखा जोखा छु हे मरु । थकि स्तानीय सरकारं ध्यान तल धसा तसिकं बाँलाई ।

श्रोत : वयक लिंसीया खा'हा वल्हा व संकलन योड तगु शिरपा व दसिपौ या लिधंसंय ।

इजाप

ख्वप नगरपालिका पाखं पिथाड च्वंगु स्वप पौ बः छि पौ खय बांलागु च्वसु त बियो ग्वाहाली याड दिसं । उगु रचनाया ल्य ज्या याड पारिश्रमिक बियगु खाँ ख्वप नगरपालिकाया २०७७ श्रावण २६ गते च्वंगु बैठकं

कवः छ्यगु खाँ ब्याक च्वडा ।

सम्पादक
ख्वप पौ

स्वप नगरपालिकाया ज्या भवः त

सिराहा गोलबजार नगरपालिकाया जनप्रतिनिधिपुं स्वपय्

चैत्र १४

सिराहाजिल्ला गोलबजार नगरपालिकाया प्रमुख, उपप्रमुख नपां १६ म्हासिया पुचः सोमवार स्वप नगरपालिकाया अध्ययन याड स्वयता स्वपय् भःगु खः ।

स्वप नगरपालिकाया प्रमुख सुनिल प्रजापति व जनप्रतिनिधिपुं नपां गोलबजार नगरपालिकाया प्रमुख देवनाथ शाह नपां भःपुं पुचलं नपालाडः दिसे स्वप नगरपालिकापाखं चाय्कः तगु कलेजत स्वप अस्पताल, क्वचःगु विकास निर्माणया ज्यात, ज्याभवः, सम्पदा ल्हवनय् धुंगुया अवस्थाबारे छलफल यासे प्रमुख प्रजापति जुं स्वप नगरपालिकाया बःचा हाकलं म्हासिइका काडः दिसे २०७४ सालया स्थानीय तहया निर्वाचनं त्याकः वय धूसेलिं नेमकिपाया घोषणापत्र व पार्टीया नीति निर्देशनकाथं स्वप नगरपालिकां निस्वार्थ रूपं देश व जनताया सेवा याडः वयो च्वंगु खौं ब्याक दिल ।

वयकलं स्वप देशय् वनयमःधाय्गु भावना ब्वलांकयता जनज्योति पुस्तकालयता अज बांलाकागु नपां वडावडाय् साफूकुथि निःस्वानयुगुलि बः बियो वयो च्वडागु खौं ब्याक दिल ।

अथेहे स्वप नगरपालिकां स्वास्थ्यया लागाय् १०० गू बेडया स्वप अस्पताल न्ह्याकय्गु कुतःयाड च्वंगु खौं ब्याकसे वयकलं जनताता दांकः भिंक अःपुक स्वास्थ्य सेवावियता स्वप अस्पताल निः स्वांगु खः धायो दिल । नपां देया थी थी स्थानीय तहया जनप्रतिनिधिपिनिगु अनुभव कालबिल याय दयो जिमिता ज्या सानय्गु अज अपः घवासा दःगु खौं नं ब्याक दिल ।

नपालाय्गु इवल्य गोलबजार नगरपालिकाया प्रमुख देवनाथ साह स्वप नगरपालिकां यागु लुमुगु लसकुसं लयतायागु खौं ब्याकसे १३ गु वडा दःगु गोल बजार नगरपालिकाख्य नं शिक्षा, स्वास्थ्य

व विकास निर्माणया ज्याख्य स्वपदे पाखं सय्क थःगु नगरपालिकाय नं छ्यलय्गु कुतः याय्गु खौं काड दिल ।

गोलबजार नगरपालिकां २५गु शय्याया अस्पताल न्ह्याकय्गु कुतः याडः च्वंगु दः धायोदिसे प्रमुख साहं गोलबजार नगरपालिकां चाय्किगु जयगोबिन्द शाह प्राविधिक कलेज न्ह्याकय्ता स्वप नगरपालिकापाखं मःकाथं ग्वाहाली दैगु नं आशायाड दिल ।

नेगू नगरपालिकाया जनप्रतिनिधिपुं नपालाड छलफल यागु इवल्य शिक्षा, स्वास्थ्य, सम्पदा ल्यंकः म्वाकः तय्गु व विकास मोडेलयाबारे अन्तरक्रिया नं याड दिल ।

थुगु इलय् उगु पुचः ता स्वप नगरपालिकापाखं चाय्कः तःगु स्वप कलेज, स्वप मा.वि, स्वप अस्पताल, स्वप इन्जिनियरिड कलेज व स्वप कलेज अफ इन्जिनियरिड कलेत स्वः भःगु जुल ।

नगर प्रमुख प्रजापति जुं उगु पुचःता स्वम्हू बियो, खादा क्वखायकः, तक्वातपुली पुइकः लसकुस याडः द्यगु खःसा नगरपालिका पाखं पिथांगु पिथनात उपहारकाथं लः ल्हाड द्यगु खः । उगु ज्या इवः ख्य स्वप नगरपालिकाया जनप्रतिनिधिपुं, गोल बजार नगरपालिकाया उप-प्रमुख रेशम कुमारी थापा, वडाध्यक्षपुं देव बहादुर मगर, लक्ष्मण शाह, धनप्रसाद लामा, राजदेव यादव, वसन्त कुमार लामा, जात कुमार श्रेष्ठ, नागेन्द्र कुमार सिंह महतो, राम पुकार कामती, नगरकार्यपालिकाया दुजःपुं गंगा कुमारी, उर्मिला कार्की, उमेश कुमार बराल, राजकुमार मुखिया, रामवृक्ष राय, नगर का. पा. सदस्य सचिव अनन्त कुमार पौडेल, प्राचार्य राजेन्द्र साह, मेडिकल अधिकृत डा. रामकुमार शाह, एम आई एस अपरेटर उज्वल बि.क. व सहायक कम्प्यूटर अधिकृत राम नारायण शाह पुं नं भःगु खः ।



पुलांगु, पहःलं छँ दांपिन्ता अनुदान

चैत्र १५



परम्परागत शैली छँ दानयगु ज्यायाड वपू छँ थुवः तय्ता अनुदानया व्यवस्था याडः वयो च्वडागु खाँ कुलदिल ।

वयकलं नेमकिपाया नायो भाजू नारायणमान बिजुक्छँ जुं च्वयो दिगु सच्छिदा लियाया ख्वप दे (१०० वर्ष पछिको भक्तपुर) या परिकल्पना काथं ख्वप देशय् पुलांगु शैली छँ दां पिन्ता अनुदान ब्यु ब्यु याड वयो च्वडागु व ल्यासे ल्याम्हो पिन्ता थी थी भायया प्रशिक्षण ब्यु ब्यु याड वयो च्वडागु खाँ ब्याक दिल ।

नेपाल मजदुर किसान पार्टीया नायो भाजू नारायणमान बिजुक्छँ (का. रोहित) जू या मू पाहाँलय ख्वप नगरपालिकाया गवसालय ख्वप नगर दुनयँ भीगु थःगु पहःलं मौलिक शैली छँ दां पुं नगरवासीपिन्ता छँया मोहडाया छ्यःगु सिँ, अपा व पोल्हँ अपाया अनुदान इयगु ज्याइवः सं २६ म्हासिता मुक्कं ७९ लाख ८३ ट्ठ व गुसव नीडार्का दांया अनुदान मू पाहाँ पाखं इड दिल ।

ज्या इवः सं न्वचुतयो दिसे मू पाहाँ बिजुक्छँ जुं नगरदुनय भीगु थःगु पहः या छँ दानयगु अभियान हे न्ह्याकयूमः धायो दिसे न्हँगु पहः या छँ दानयगुलि बः याड च्वंगुलि दे भन भन कतया भरय् लः वांगु खाँ ब्याक दिल ।

पुलांगु छँ दानिवलय प्राविधिक व वैज्ञानिक ज्ञानं जःगू खाँ ब्याकसे, भीगु थःगु पहः, भीथायसं दैगु छँ ज्यात मःगू सामानत भीगु सीप छ्यलः पुलांगु पहलं छँ दानिपिन्ता नगरपालिकां च्वछाय् मः धायो दिसे वयकलं मूर्त व अमूर्त सम्पदात म्वाकः तयगु भी फुक्क सिया मंकः जिम्मेवारी खः धायोदिसे पुलांगु पुस्ताया अनुभव न्हँगु पुस्ताता लः ल्हा ल्हां, नगरया कला-संस्कृति, सम्पदा ल्यंकः तयगु ज्याखय् नगरपालिका व नगरवासीपुं लाहापा स्वाड हज्यायमः धायो दिल ।

ज्याः इवःसं ख्वप नगरपालिकाया प्रमुख सुनिल प्रजापति जुं ख्वप नगर दुनयया विश्व सम्पदाया धल खय् नां जायो च्वंगु थाय् व पुलांगु नगरदुनयँ भीगु पुलांगु पहलं छँ दानिपुं नगरवासीपिन्ता मोहडाया छ्यलिगु अपा, सिँ व पोल्हँ अपाखय् तुगु खर्चमध्ये ३५ प्रतिशत अनुदान बियो वयो च्वडागु खाँ ब्याकसे वयकलं जनप्रतिनिधिपुं त्याक वाडानी २०७४/७५ निसँ लागू याडः कार्यविधि द्यकः

ख्वप नगरपालिकां शिक्षा, स्वास्थ्य व सम्पदा ल्हवनय् कानय व ल्यंकः म्वाकः तयगु ज्या स्वयत्ता थी थी नगरपालिकाया जनप्रतिनिधिपुं अध्ययन भ्रमणय् भःगु खाँ ब्याकसे ख्वप नगरपालिका देशां देछिया नमूना काथं हज्याडः च्वंगु खाँ ब्याक दिल ।

ज्या इवः सं बागमती प्रदेशया सांसद सुरेन्द्र राज गोसाईं जुं ख्वप दे भन बांलाक, तय्ता जनप्रतिनिधिपुं व जनताया एकता मदयक मगा धायोदिसे भीगु थःगु पहः दुनय म्हासिइका नपां वैज्ञानिकता दःगु खाँ ब्याक दिल ।

वयकलं प्रजग कोरिया व जनवादी गणतन्त्र चीनय् च्वंगु सम्पदाया खाँ कुल दिसे उगु सहरं सम्पदा ल्यंकः म्वाकः तयगु ज्या डालकाय् बहजु धायो दिल ।

ख्वप नगरपालिकाया उप प्रमुख रजनी जोशी जुं ख्वप नगरपालिकां तःभ्वखा ब्वय हँ व लिपा स्यंगु नगर दुनयया ११८ गू स्वयो अपः सम्पदात ल्हवनय् कानय् याडागु ज्या कुल दिसे ख्वप नगरपालिकां याडः च्वंगु नक्सापासया व्यवस्था व तःभ्वखाचां स्यंकः ब्युगु निजी आवास ल्हवनय-कानय् या ज्याया प्रगति विवरण काडः दिल ।

ज्या इवः सं दरबार हेरचाह तथा स्मारक संरक्षण कार्यालयया कार्यालय प्रमुख अरुणा नकःमिजुं विश्व सम्पदा लागाय् लागु सम्पदा लागया छँत पुलांगु पहः या काथं जुयमःगु खाँ ब्याकसे परम्परागत शैलीया छँया महत्वया खाँ कुल दिल ।

अथेहे वडा नं ९ या वडाध्यक्ष रबिन्द्र ज्याख्वः जु व प्रमुख प्रशासकीय अधिकृत कृष्ण गिरी नं न्वचु तयो द्यगु खः ।

७ वडाय् उपभोक्ता समिति च्वंपिन्ता लय्ता पौ

नेपाल मजदुर किसान पार्टीया छ्याञ्जे नपां संघीय सांसद प्रेम सुवाल जुं ख्वप नगरपालिका वडा नं ७ कार्यालयं निःस्वांगु उपभोक्ता समितिया पदाधिकारीपिन्ता लय्ता पौ लःल्हाड दिसे शासक दलया नेतात थःपुं कार्यकर्तात दुथ्याक दयकगु ज्याखय् भ्रष्टाचार जूगु खाँ प्याहाँ वसेलिं विकास निर्माणया ज्याखय् ठेक्का बियगु कानुन दयकगु चर्चा यासे गोर्खाय् पप्पुकन्स्ट्रक्सनं ठेक्का कःगु १० करोड तका या दांया ताँ दय्केगु ज्या-न्हय्दा हाँ निसें दिक्ु याड तःगु खाँ ब्याकसे देया अरबौं तका दां परिचालन पेशकी कःपुं ठेकेदार तय्सं ज्या मयासें च्वंगु खाँ ब्याक दिल ।



सांसद सुवाल - चिच्या चिच्या हांगु योजनात दय्क स्थानीय जनतात दुथ्याकः उपभोक्ता समिति पाखं व तःतःहांगु योजना सरकारया निर्माण कम्पनी पाखं याकय्मः धायोदिसे यँया मिनभवने डोजर, लोडर, स्काएभेटर टिपरनयां दः गु भारी उपकरण विभागता देया प्रदेश-प्रदेशे तय् यंकय्मः धायो दिल ।

भीगुदेशय् अपलं सम्भावना दःगु जलविद्युत दय्कः जा थुय्गु ग्याँस व मेमेगु इन्धनया आयात म्ह्वचा यायां यंकय्मः गु खाँ ब्याकसे वयकलं भारतं अन्तर्राष्ट्रिय बजारें मू थाहा वाना दक धायो पेट्रोलियम पदार्थया मू तःकः हे थाकः गु लिं पेट्रोलियम ढुवानी व्यवसायी संघ अः ढुवानी भाडा अपःकाय मालादक हाल च्वंगु खाँ ब्याक दिल ।

छ्याञ्जे सुवाल जिं धायोदिल 'देशादेछिया स्थानीय तहलय एमालें ४०.२३ प्रतिशत, ने कां नं ३२.६९ प्रतिशत, माओवादी १५.५२ प्रतिशत, जसपां ४.१ प्रतिशत त्याकगु खः । उगु पार्टी तय्सं थः त्याकगु स्थानीय तहलय विकासं जाय्के मःगु खः । नेकांनं छगू छगू स्थानीय तहलय १५ गू बेडया मचा बुडकिगु प्रसुति अस्पताल चाय्केगु, माओवादी समूद्ध गां नगर दय्केगु वचं पू मवाँक । थमनं त्याकथाय् छु याय् मफुपिसं नेमकिपां ख्वपनगरेजक ध्यान बिला दक कुंखिडः जुइगु । नेमकिपा मे मेगु स्थानीय तहलय त्याः सा ख्वप मोडेले थें विकासया ज्या हज्याकी ।'

एमसीसी समर्थक शासक दलपिसं भारतता नेपःया बिजुली मियता एमसीसी सम्भौता याय मःगु खःदक धायो वयो च्वना । अः नेपः देशय् बिजुली मचः बलय् भारतया ५.५ मेघावाट बिजुली युनिटं ३८ तका दामं न्याडः छगू युनिट्या ११ तका नेपः या उद्योगी तय्ता ब्यूगु दः । थुकीं माओवादीया ऊर्जा मन्त्री विजुलीं जा थुयगु व मोटर चलय् याय्गु धःगु खाँ भुठ सावित जुलदक सांसद सुवाल धायो दिल ।

ख्वप नगरपालिकाया प्रमुख सुनिल प्रजापति जुं उपभोक्ता समितिया पदाधिकारीपिसं इमान्दारी काथं पारदर्शित्वां ज्या यागुलिं हे ख्वप देशय् 'उपभोक्ता मोडेल' सफल जुगु खाँ ब्याकसे ख्वप नगरपालिकां शिक्षा, स्वास्थ्य व सम्पदा ल्यंकः म्वाकः तय्गुलि याड च्वंगु ज्यात देशां देछिसिता बांलागू लिचव लाक च्वंगु दः धायो दिल । शिक्षा, स्वास्थ्य व सम्पदाल्यंकः म्वाकः तय्गुलि ख्वप नगरपालिकां हदाय तयो ज्या साड च्वंगु दः धायो दिसे वयकलं जिमिसं ख्वप नगरपालिकां गथे याःसा मेपुं स्वयो बांलाक ज्या क्यनय् फँ धाय्गु मति ज्वड ज्या हज्याक ब्यवस्थित नगर दय्केता विकासया ज्या हज्याकः यंकः च्वडगु खाँ नं काडः दिल ।

ख्वप नगरपालिका वडा नं. ७ या वडाध्यक्ष उकेश कवां जुं ७ न. वडां डादाया दुनयँ १०१ गू नगरस्तरीया योजनात क्वचाय्के धुंकगु खाँ ब्याकसे ख्वप नगरे उपभोक्ता मोडेल बांलागुया मू हुनि नगरबासीपिनिगु ग्वाहालीं खः धायोदिल ।

ज्या इवःसं ख्वप नगरपालिका नगर समितिया नायो भाजु नारायण बहादुर दुवाल, ७ वडाया दुजः हेरा छ्याजु नं उपभोक्ता समिति च्वडः ज्या सांपुं सकलसिता सुभाय् देछायो दिल ।



ख्वप नगरपालिका वडा नं. ४ गः हिति च्वंगु लक्ष्मी नगरसिंह देगः दाडः च्वंथाय् भायो ख्वप नगरपालिकाया प्रमुख जुनिरीक्षण याडः दिल ।

ब्वाक वानय्गु कासा

चैत्र १७

ख्वप नगरपालिका वडा नं १० खेलकुद समितिया ग्वसालय जूगु ख्वप नगरब्यापी विद्यालयस्तरीय ३ कि.मि. ब्वाक वानय्गु कासा (दौड) धिं धिं बल्ला क्वचाल । उगु कासाख्य मिसात -मिजंत नेगू कासाया धिं धिं बल्ला जुगु खः । उगु कासाख्य तःलापुं कासामिपिन्ता ख्वप नगरपालिकाया उपमेयर रजनी जोशीजुं सिरपा लः ल्हाड द्यूगु खः ।



उगु मिसात, मिजंतयगु ब्वाक वानय्गु कासाया उलेज्या ख्वप नगरपालिकाया प्रमुख सुनिल प्रजापति जुं याड द्यूगु खः । उगु कासा सुथांलाकय्ता (शुभकामना) भिंतुना पदयात्रा २०७८ चैत्र १७ गते विहिवार जूगु खः।

ख्वप नगरपालिका वडा नं १० खेलकुद समितिया ग्वसालय जूगु नगरब्यागु विद्यालय स्तरीय ३ कि.मि. मिसामिजं (छात्र-छात्रा)

ब्वाक वानयगु कासा ज्याइवः सं न्वचु तयो दिसे ख्वप नगर प्रमुख सुनिल प्रजापति जुं ख्वप नगरपालिकां शिक्षा, स्वास्थ्य व सम्पदा ल्यंकः म्वाकः तयगु ज्या नपां नपां कासाता नं हदाय् तयो थी थी कासायाता नं धिं धिं बल्ला याडः वयो च्वंगु खाँ काडः दिसे नगरबासी जनतां बियो च्वंगु ग्वाहाली व साथंयाड नगरपालिकाया फुक्क ज्याला तः लाकय् फःगु खाँ कुल दिसे हकनं- हकनं थजगु ग्वाहाली दयो च्वनिगु आशा प्वकं दिल ।

अथेहे ख्वप नगरपालिका वडा नं १० या वडाध्यक्ष लक्ष्मी प्रसाद ह्योमिखां वडां वडाबासीपिन्ता स्वस्थ याडःतय्ता शारीरिक व्यायामशाला निः स्वांगु खाँ ब्याकसे वडाया ग्वसालय जूगु ब्वाक वानय्गु कासा तःलाकय्ता सकल सिनं ग्वाहाली याइगु आशा प्वकं दिल ।

शुक्रवार सुथाय् ७ ता इलय् न्ह्याकगु ३ कि. मि. छात्र-छात्राया ब्वाक वानय्गु धिं धिं बल्ला कासा ख्वप नगरपालिका वडा नं १० क्वाठण्डौनिसें, नवदुर्गा चोछेँ, गःछेँ, चोफल, बालकुमारी सूर्यमढी, दत्तात्रय, इनाचो, सुकुलढोका, क्वाछेँ, तःमारी क्याफे चाकमुलः साकोथा, बालाखु देगः चाहिल, त्रिपुरसुन्दरी, चोछेँ, तुछिमला भोलाछेँ, महालक्ष्मी देगः चाहिलः, थालाछेँ, नागःपुखु बालकुमारी, सलाँ गणेश चाहिलः

तँ गयो क्वाठण्डौ थ्यंकः कासा क्वचाइगु धःगु दः ।

कासा ख्य न्हाप ला पिन्ता ५००० तका दां, टुफी व मेडल, ल्यू सिरपा ४००० तका दां, मेडल अलय ल्यू या ल्यू ला पिन्ता ३००० तका दाँ, मेडल व प्यम्हाम्हा व डाम्हाम्हा ला पिन्ता २००० तका दां व ब्वतिकः पुं सकललिता दसि पौ विइगु खाँ ग्वसाखलं धःगु दः ।

थी थी ज्या भ्वःत

ख्वप नगरपालिकाया प्रमुख सुनिल प्रजापतिया मू पाहाँलय सूर्य किराण बचत व ऋण सहकारी संस्था लि.या ग्वसालय शनिबार ख्वपया लाय्कुली ग्वसः ग्वगु सूर्यकिरण कप अन्तर सहकारी बुद्धिचाल धिं धिं बल्ला कासाय् तः लापुं कासामिपिन्ता सिरपा व दसि पौ लः ल्हाडः दिल ।

अथेहे पुर्वेश्वर महादेवया उलेज्या व वडाय् च्वंगु थी थी विकास निर्माणया ज्याख्य ग्वाहाली यापुं महानुभावपिन्ता ६ नं वडाया ग्वसालय दसि पौ लः ल्हाडः सुभाय् देछाय्गु ज्या जुल ।



कासा समाजया संस्कृति व जीवन पद्धति

नेपाल मजदुर किसान पार्टीया नायो भाजु नारायण मान बिजुक्छे (रोहित) जु पाखं खप नगरपालिका पाखं दयकगु खप वडा नं. ८ लिवाली च्वंगु कभर्ड हल उलेज्या याडः दिसे कासा नियम दयकः वहे नियमय् च्वडः म्हितिगु छगू काथंया शारीरिक अभ्यास खः धायोदिसे युग नपां मिलय् जूगु कासात विकास यायां यंकय् मःगु थौं या आवश्यकता खः धायोदिल ।



व्यक्तिगत विकासय् उथिंयंकः मौका दयमःगु खायँ बः बियो दिसे वयकलं कासा नं समाजया संस्कृतिक व जीवन पद्धति खः धायो दिल सा नगरपालिका सहकारी संस्था थजगु स्वापु दःगु संस्थां थाकालिपुं जेष्ठ नागरिकपिन्ता शारीरिक अभ्यास याकयगुलि बिचः यायमः धायो दिसे वयकलं वुं मदयो वांसेलिं बाँभतः सेलिं बुईं नं सैगु अन्न म्ह्वं जुयो भीगु दे आर्थिक संकटं कय् च्याच्यां यंक च्वंगु दः वयकलं स्पष्ट याडः दिल ।

नहा नहा खपय् खेलकुद पूर्वाधार व प्रशिक्षण याय् मफूगुलिं थानाया जनतात कासाया ख्यलय् लिपा लागु खाँ ब्याकसे वयकलं खप नगरपालिकां कासाया लागाय् साडः च्वंगु ज्या च्वछाय् बहजु धायो दिल ।

नायो भाजु बिजुक्छे जुं कासां मनूया जिउ व मानसिक रुपं बल्लाक (तन्दुरुस्त) याडः तैगु बिचः प्वंकः दिसे कासाखय् हज्यागु देश सेनाखय् नं हज्याइ धायोदिल ।

वयकलं धायोदिल- थःगु बुँज्या व ज्या सिधय्क ज्या साडः नैपुं सकले मनूत नं कासाखय् हज्याय् मः धायो दिसे समाजया नितिं इमान्दार जुयो ज्या सानय्गु नं सेवा खः धायो दिल ।

खप नगरपालिकाया प्रमुख सुनिल प्रजापति जुं खप दे या विकास निर्माणया ज्याखय् उपभोक्ता मोडेल तः लाकय्ता उपभोक्ता समिति च्वं पिनिगु तः हांगु लाहा दःगु खाँ ब्याकसे कासातानं हदाय् तयो खप नगरपालिकां खपया थी थी थासय् खुल्ला ब्यायामशाला दयकागु खाँ ब्याक दिल । वयकलं सहिद स्मृति खेल मैदान व महेश्वरी खेल मैदान अझ बांलाक स्तरोन्नति याय्या लागिं मः काथंया ज्या हज्याडः च्वंगु खाँ ब्याकसे मनूया शारीरिक व मानसिक विकासया लागिं कासाया तः हांगु लाहा दः धायो दिल ।

वागमती प्रदेश सभाया दुजः सृजना सैजुं नगरबासी जनताया मानसिक व शारीरिक स्वास्थ्यया नितिं खप नगरपालिकां कासाता हदाय् तयो ज्या साडः च्वंगु ज्या कुल दिसे थजगु ज्याखं न्हँगु पुस्ताता स्वस्थ, स्फूर्त व आत्मसम्मान काथं म्वाय्गु मौका चूलाकी धायो दिल ।

वयकलं प्रदेश सरकारे डाडः च्वंगु विकृति व विसंगति या खाँ कुलदिसे सरकारं आधारभूत भ्यू टावर दयकगुलि अरबौं तका खर्च याय्गु स्वयो जनताया आधारभूत आवश्यकता पूर्वाकयगुलि सरकारया ध्यान वानयमः धायो दिसे देशय् भ्रष्ट ठेक्का पट्टां थौं देश वरवद जुयो च्वंगु खाँ ब्याकसे देशया अर्थतन्त्र बमलासा थःगु तुतिखय् थः हे दानय् मफैगु गुकिं दे भन भन भ्वाव्व जुयो वानिगु खाँ ब्याक दिल ।

खप नगरपालिका वडा नं. ८ या वडाध्यक्ष महेन्द्र खायमली कभर्डहल दयकानिं कासामित लय्तःगु खाँ ब्याकसे थुगु कभर्ड हलय् नगरब्यागु व दे ब्यागु कासाया धिं धिं बल्ला याय् धुंगु खाँ ब्याक दिल । वडाया ज्या इवः या खाँ कुलदिसे वडाध्यक्ष खायमली खप नगरपालिकां ९ वडां डादाया दुनयँ ८३ गू वडास्तरीय व नगरस्तरीय योजनात क्वचाय्के धुंकगु नपां लिवाली त्वनय्गु नाः या पाइप तयो यंकगु खाँ ब्याक दिल ।

भक्तपुर जिल्ला भलिबल संघया नायो विनोदचरण रायं खप नगरपालिकां याडः च्वंगु कासाया ज्याइवः सं फुक्कासिया ध्यान सालय् फःगु खाँ ब्याकसे नगरपालिकां थीथी इलय् ग्वसः ग्वयो न्ह्याकगु नगरस्तरीय व विद्यालयस्तरीय धिं धिं बला कासां कासामिपुं लयतायो ब्वति कायो च्वंगु खाँ काडः दिल नपां थुगु कभर्डहल दयकसेलीं नगरबासीपिनिगु स्वास्थ्य व देया नितिं म्हितिपुं कासामिपुं ब्वलानिगु खाँ ब्याक दिल । नपां थुगु कभर्ड हलता फक्वलं अपः छ्यलय् मः धायो दिल ।

ज्या इवः सं वडा नं १ या वडाध्यक्ष श्याम कृष्ण खत्रीजु, वडा नं. ९ या वडाध्यक्ष रबिन्द्र ज्याख्व नपां खप नगरपालिकाया प्रशासकीय अधिकृत कृष्ण गिरी जुं पिसं नं न्वचु तयो द्यूगु खः ।

लिवाली कभर्ड हल निर्माण उपभोक्ता समितिया नायो राम सुन्दर बासी जुं कभर्डहल दयकय् धुंक खपया फुक्क विधाया कासामि पुं लाभान्वित जुइगु खाँ ब्याक दिल । वयकलं नेकयाडः उपभोक्ता समितिपाखं दयकगु कभर्ड हल दानय्ता मुक्कं १ करोड २ लाख गुइन्ह्यद् व गुइडाकां तुगु खाँ काडः दिल ।

उगु लसताय मू पाहाँ बिजुक्छे जुं खप नगरपालिका वडा नं ८ या महिला स्वयमसेविकापिन्ता सुभाय्पौ देछायो दिलसा वागमती प्रदेशया दुजः सृजना सैजु, ज्या इवःया सभायानायो नपां खप नगरपालिकाया प्रमुख सुनिल प्रजापति जुं वडा नं. ८ य् जूगु नगरस्तरीय व वडास्तरीय विकास निर्माण ज्याखय् उपभोक्ता समिति च्वडः ज्या साडः द्यूपुं उपभोक्ता समितिया पदाधिकारी पिन्ता सुभाय् पौ लःल्हाड दिल ।



चयस्तंगूगु ख्वप पौ, बःछि पौ(पाक्षिक)

५ वडाय् ब्यायामशाला व तेक्वाण्डो कासा उलेज्या

ख्वप नगरपालिकाया प्रमुख सुनिल प्रजापति जुं ख्वप नगरपालिका वडा नं ५ खय् तः गु ब्यायामशालानपां नगर ब्यागु तेक्वाण्डो कासा चैत्र १६ गते उलेज्या याडः दिसे ख्वप नगरपालिकां नगरया २३ गू थासय् खुल्ला ब्यायामशाला निः स्वाडः नगरबासी पिन्ता स्वस्थ याय्गु अभियान तः लाकय्ता ज्यासाड च्वंगु खाँ ब्याक ल्हवनय्-कानय् याय्ता बः बियो दिल ।

वयकलं कासा त्या-बु स्वयो मित्रताया नितिं म्हेतय मः धायो अनुशासनय् च्वडः कासा म्हेतय्गु नपां ब्वनामिपिसं शिक्षा व कासाता नपां नपां यंकय् फः सा तस्कं बांलाइ धायो दिल ।

ख्वपया वडा-वडाय् स्वास्थ्य केन्द्रत तयो नगरबासी पिन्ता गुलिफता उलिमथां स्वास्थ्य सेवा वियगु नीतिकाथं ख्वप नगरपालिका वडा नं २ ब्यासी, वडा नं ५ भगवती स्थान व वडा नं. १ सल्लाघारी आधारभूत स्वास्थ्य केन्द्र चाय्क सेवा ब्यू ब्यूवयो च्वंगु खाँ ब्याकसे वडा नं १० खय् नं आधारभूत स्वास्थ्य केन्द्र दाडः च्वंगु खाँ ब्याक दिल ।

ख्वप नगरपालिका वडा नं ५ या वडाध्यक्ष प्रेमगोपाल कर्माचार्य जुं ख्वप नगरपालिकां ब्वनामिपिनिगु स्वास्थ्य बांलाकय्या निति कासाता ह्दाय् तयो ज्या साडः वयो च्वंगु खाँ ब्याकसे जीवन न्ह्याब्लें माथां न्ह्याकय्ता, नपां हार्यपुकयता कासा मदय्कःमगा धायो दिल ।



ज्या इवःसं नेमकिपा वडा नं ५ या इन्चार्ज नारायण प्रसाद त्वानाबासु, वडाया दुजः नपां ५ वडा खेलकुद समितिया कजि बलराम न्हिसुतु व ५ वडाया नारायण कृष्ण मार्कं नं न्वचु तयो द्यगु खः सा नगर प्रमुख प्रजापति जुं तेक्वाण्डो कासाया खेल सामग्री लः ल्हाडः तेक्वाडो कासा उलेज्या याडः द्यगु खः ।

उगु भक्तपुर कप जिल्लाब्यापी तेक्वाण्डो कासा २०७८ क्वचाय्वं तः लापुं कासामिपिन्ता सिरपा लःल्हाय्गु ज्या ख्वप नगरपालिकाया प्रमुख सुनिल प्रजापति जुं याडः दिल ।

वडा नं १ खय् सुभाय् ज्या इवः

ख्वप नगरपालिका वडा नं १ या ग्वसालय विहिवार वडाय् क्रियाशील उपभोक्ता समिति, अनुगमन समितिया पदाधिकारीपुं नपां विपद् व्यवस्थापनय् ज्या साडः द्यपुं स्वास्थ्य क.मि व ग्वाहालिमि (स्वयम सेवक) पिन्ता चैत्र २४ गते भिन्तुना देछासे सुभाय पौ ख्वप नगरपालिकाया प्रमुख सुनिल प्रजापति जुं लः ल्हाडः दिल ।

ज्या इवःसं प्रमुख प्रजापति जुं विदेशी तय्के लाहा फयो दय्कागु सम्पदा स्वयो लय्ताय्गु स्वयो थःगु हे पौरखं ल्हवनय्-कानय् व दानय्गु ज्या याडः म्वाकःतयागु सम्पदा स्वयो गर्वयाय् मःगु खाँ ब्याकसे नेमकिपां थः गु तुतिखय् थः हे दाडः म्वाय्गु तस्कं बांलागु शिक्षा ब्यूगु खः धायोदिल ।

वयकलं तःभ्वखा ब्वय धुंकः नेपाल सरकार व जर्मन सरकारमा दश्वी ख्वपया सम्पदा ल्हवनय-कानय व दानय्या लागि १ अर्ब २० करोड सम्भौता जूगुलि उकिं भीता भिमयाइगु बुँदात दःगुलिं व ग्वाहाली भीसं मकाया । जनताया आर्थिक व भौतिक ग्वाहाली नपां श्रमदान कायो फुक्क सम्पदात उपभोक्ता समिति पाखं

न्ह्यकनयं स्वय्थें पारदर्शी ढंगं भिंकः बल्लाकः दयक वयो च्वडागु खाँ कुलदिले त्वनय्गु नाः या समस्या ज्यंकय्या लागिं ख्वप नगरपालिकां वडाया ज्यू ज्यूगु थासय् डिपु बोरिड याडः नाः इडः बियो वयो च्वंगु नपां नगरबासी पिनिगु स्वास्थ्यता ह्दाय तयो वडा-वडाय् मदिक (पाठेघर) मचाछँ, दुरुपोया क्यान्सर, वाँ, मिखाया शिक्षित न्ह्याकः वयो च्वंगु खाँ कुलदिल ।

ख्वप नगरपालिका वडा नं १ या वडाध्यन्त श्याम कृष्ण खत्री जुं वडाया विकासनिर्मापया ज्या खय् निस्वार्थ रूपं ज्या सांपुं सकलासिता सुभाय देछासे ख्वप नगरपालिकाया जनप्रतिनिधिपिसं जनताया सेवाता ह्दाय तयो ज्या साडः वयो च्वंगु दः धायोदिल ।

उगु ज्या इवःसं वडाया दुजःपुं सूर्यप्रसाद श्रेष्ठ व गंगा लक्ष्मी बमनु, ने.क्रा. यु. संघ १ वडा समितिया नायो लक्ष्मी सुन्दर सुवाल ने.क्रा. महिला संघया विकू लक्ष्मी कोजू, नपली सिर्जनानगर या सम्भना प्रेमी नं न्वचु तयो द्यगु खः ।

नपली सिर्जना नगरे नपालाय्गु ज्या इवः

चैत्र १८

ख्वप नगरपालिका वडा नं. १ या ग्वसालय नपलि सिर्जना नगरया स्थानीय वडाबासी व ख्वप नगरपालिकाया जनप्रतिनिधिपुं नपालाड छलफल ज्या इवः जुल ।



ज्या इवःसं ख्वप नगरपालिकाया प्रमुख सुनिल प्रजापति जुं निर्वाचन जनताया राजनैतिक चेतना गुलिदता जक स्वय्गु छगू अमू (ब्यारोमिटर) थें खः धायोदिसे स्वच्छ, धाँधली मजगु व निष्पक्ष काथं क्वः छ्यगु न्हिल्यासं स्थानीय निकायया चुनाब यायमःगुलि बःबियो दिल ।

राजनैतिक न्ह्यलुवातयके नैतिकता मदयो वांगुलिं भीगुदेशय् धेबा हवल त्याकय्गु बांमलागु संस्कार ब्वलाड वयो च्वंगु खाँ कुल दिसे प्रमुख प्रजापति जुं समाजवादी ब्यवस्था संसारया तस्कंबांलागु, ब्यवस्था खःधायो दिल ।

वयकलं जनताया साथ व सहयोगं जिमिता ज्या सानय्ता अःपुगु खाँ कुल दिसे वहे स्वापु खं ख्वप नगरपालिका थौं थाना थ्यंगु खः धायोदिल ।

राजनीतिक दलतय्गु सिद्धान्तहीन स्वापु खं छुं हे ज्या मयाइगु छुं हे औचित्य मरुगु खाँ ब्याकसे वयकलं राजनीतिक पार्टी धाय्गु विचः व सिद्धान्तया लिधंसाय् हज्याय्मः धायोदिल ।

ख्वप नगरपालिकां छगू तगिं निसें च्यागु तगिं तकया स्थानीय पाठ्यक्रम दय्क ब्वनयकुथि ब्वंकः वयो च्वंगु ख्वपया इतिहास, भूगोल, कला, संस्कृति, सम्पदा, भीगु पहःया सीप व प्रविधि व थी थी लागया थी थी लोकं हवापुं मनूतय्गु (म्हासिइका) जीवनीया खाँ थुइकय बियगु कुत यायां वयागु खाँ ब्याकसे नगर प्रमुख प्रजापति जुं ब्वनामिपिन्ता ब्वनयमः धाय्गु मति वांकय्ता जनज्योति साफू कथित च्व जाय्क यंकागु नपां वडाय् वडाय् च्वंगु ब्वनयकुथित नं भिकं

यंकय् मःगु खाँ काड दिल ।

ख्वप नगरपालिका वडा १ या वडाध्यक्ष श्यामकृष्ण खत्री वडाबासी पिनिगु समस्यासं दकल्य् छु मँः धाय्गु विचः याड विकासया ज्या हछ्याडागु खाँ ब्याकसे वडाया त्वनय्गु नाः या समस्या ज्यंकय्ता स्वापुदःगु, संस्था नपां खाँ जुयो च्वंगु खाँ ब्याक दिल । नपां वडां ख्वपया भाजु पुखु, रानीपुखु ल्हवनय्कानय् नपां सल्लाघारीया १०८ पी जग्गा पःख मुइक बचे याडागु खाँ काडः दिल ।

ज्या इवः सं नपली सिर्जना सेवाया नायो राम मणि पोखरेलं सम्पदा ल्यंकः म्वाक, तय्गुलि ख्वप नगरपालिकां यागु ज्या तस्कं च्वछाय् बहज् धायो दिसे ख्वपया मू लाय् लोहंतं स्य्गु तस्कं बांला धायोदिल ।

नपली सिर्जना सेवा महिला उप-समितिया उपाध्यक्ष मञ्जु निरौलां ख्वप नगरपालिकाया डादाया कार्यकालय् नपली सिर्जना नगरे अपलं विकास निर्माणया ज्या जुइगु दाय् दाय् पतिकं खुसी बलं दुडः दुःख जुइगु जनप्रतिनिधिपिनिगु पलां ज्यंगुलीं लय्ता प्वंक दिल ।

ज्या इवः सं वडाया दुजः सूर्य प्रसाद श्रेष्ठं जुं न्वचु तयो द्य्गु खःसा स्थानीय वडाबासीपिसं नपली सिर्जना नगरया थी थी पक्षया खाँ नगर प्रमुख व वडाध्यक्ष खत्री जुता प्वंक दिल ।

ख्वप नगरपालिका वडा नं १० कार्यालयं उपभोक्ता समितिया पदाधिकारी पिन्ता सुभाय देछासे सुभाय पौ लः ल्हाय्गु ज्या इवःचैत्र १९ गते जुल ।

ख्वप नगरपालिकाया प्रमुख सुनिल प्रजापति जु ख्वप नगरपालिका वडा नं ३ बाराही दाड च्वंगु 'बाराही ताँ' स्वः भाल ।



सिद्धी शारदाया न्हूंगु भवन उलेज्या

चैत्र २१

ख्वप नगरपालिका वडा नं ८ लिवाली च्वंगु श्री सिद्धी शारदा आधारभूत ब्वनयकुथिया न्हूंगु भवन ख्वप नगरपालिकाया प्रमुख सुनिल प्रजापतिं उलेज्या याडः दिल ।



उगुभवन नेपाल सरकार राष्ट्रिय पुनःनिर्माण प्राधिकरण केन्द्रीय आयोजना कार्यान्वयन इकाइ (शिक्षा), जिल्ला आयोजना कार्यान्वयन इकाई (शिक्षा) भक्तपुर पाखं दांगु प्यक्व क्वथा दःगु नेता जःगु भवन सोमवार छगु समारोहया दशवी सिजपौ नपां तयो उलेज्या याडः दिल ।

ज्या इवः सं नगरप्रमुख प्रजापति जुं शैक्षिक संस्थात भौतिक रूपं तःमि जूसा शैक्षिक विकास यायता अःपुङ्गु खौं ब्याकसें भिंपुं शिक्षकपिसं देशया लागिं मःपुं जनशक्ति ब्वलाकिगु खौं काडः दिल ।

वयकलं शिक्षाता हदायतयो ज्या साडः वयो च्वंगु ख्वप नगरपालिकां थानाया सामुदायिक ब्वनयकुथिता भिंकः, बांलाकः

यंकेगु ज्या न्ह्याक शिक्षाया लागाय् च्वजाय्क यंकेगु ज्याख्य् मः काथं ज्या याडः वयो च्वंगु खौं काडः दिल । नपां सामुदायिक ब्वनयकुथिता हछ्याछ्यां यंकः ख्वपया शिक्षा थौं च्वजगु नगर हछ्याय्गुलि थानाया बुद्धिजीवी, शिक्षक व स्थानीय जनताया तहांगु लाहा दः धायोदिल ।

ख्वप नगरपालिका वडानं ८ या वडाध्यक्ष महेन्द्र खायमली ख्वपदे शैक्षिक गन्तव्य काथं हछ्याय्गु, अभियान बुलुहें पूवानिथें च्वड वगु खौं ब्याकसे लिवाली आवास योजना लाँ, ताँ द्यकेगु ज्या न्ह्याकय्गु योजना काडः दिल ।

ज्या इवःसं सिद्धी शारदा आ.बि.या सल्लाहकार ज्ञानसागर प्रजापतिजुं न्हूंगु भवनं ब्वनामिपिन्ता बांलाक शिक्षा बियता ग्वाहाली जुङ्गु खौं प्वकसे सामुदायिक ब्वनयकुथि नं बांलाडः वयो च्वंगु खौं काडः दिल ।

नपां विद्यालय संस्थापक कृष्ण गोविन्द खाइजुं थुगु ब्वनयकुथि थाना थयंकय्ता स्थानीय जनताया तः हांगु लाहा दः धायोदिसे ब्वनयकुथि च्व जायकेता शिक्षक अभिभावकत सक्रिय जुयो ज्या सानय् मः धायो दिल ।

विद्यालय व्यवस्थापन समितिया नायो कृष्ण गोविन्द लाखाजुया सभानायोलय् जुगु उगु भवन उलेज्या ज्या इवःसं प्र.अ. कृष्ण प्रसाद सुवाल, जिल्ला आयोजना कार्यान्वयन इकाइ (शिक्षा) या प्राविधिक विशाल फुयाँल व भवन निर्माण समितिया दुजः राजेन्द्र दुमरुं नं भवन निर्माणया अवस्था व ल्याचा पिब्वयो द्यगु खः ।

वहे इवलय नगर प्रमुख प्रजापति जुं विद्यालय व्यवस्थापन समितिया नायो लाखाजुता न्हूंगु भवन निर्माण सम्पन्नया दसि-पौ ब्वनयकुथिता लःल्हात । उगु भवन दानयता मुक्कं खर्च ८२ लाख १६ हजार ९२८ तका दां खर्च जुगु धःगु दः ।

बिस्का जात्राया बैठक

चैत्र २२

ख्वप नगरपालिकाया ग्वसालय उप-प्रमुख रजनी जोशीया मू पाहाँल्य् लोकं हवागु ख्वपया बिस्का जात्रा भिंक, बांलाक, सभ्य व शान्तिपूर्ण काथं डायकेता मंगलबार नगरपालिकाया सभाकक्ष छगु बैठक जुल ।

फुक्क जात्रा नपां स्वापु दःपुं मनूत सःतः जूगु बैठकसं उप-प्रमुख रजनी जोशी जुं इलय् हे सुरक्षित काथं जात्रा क्वचायकेता ख्वप नगरपालिकां विस्केत जात्रा नपां स्वापु दःपुं दाफा, भजन, गुठी

व मे मेपुं स्वापु दःपुं मनूत नपां छलफल यायां खौं क्वः छिडः वयो च्वडागु खौं ब्याकसे २०७८/७९ या बिस्का जात्रा भव्य व सभ्य काथं क्वचायकेता स्वापु दःपुं सकलें मनू तयसं थःथः गु थासं ग्वाहाली याइगु आशायाडः दिल ।

जिल्ला प्रशासन कार्यालय ख्वपया प्र.जि.अ. रुद्रादेवी शर्मा जुं भैलखः लुइथाय् व ल्योसिंथानिथाय् म्वःमरुगु हुल हुज्जत मयाकय्ता जिल्ला प्रशासन कार्यालयं मः काथंया शान्ति सुरक्षाविस्कं पहलं याय्गु योजना दः धायो दिल ।



चयस्वंगुगु स्वप पौ. बःछि पौ(पाक्षिक)

धल दयक वहे काथं ज्या याय्ता याकेता गुथि संस्थानता जिम्मा बियगु ।

४) थुगुसीया जात्रा बांलाक क्वचाय्केता जात्रा नपां स्वापु दःपू खः लुइगु, ल्योसिंघो थानिगु व क्वः थैगु खः ल्वाकिगु, त्वालय-त्वालय्या थी थी छो तयगु खः जात्रा, छो स्वगं वियागु जात्राखय् हुलदंगा मयाय्ता मः काथंया शान्ति सुरक्षाया व्यवस्था याय्ता जिल्ला प्रशासन कार्यालय भक्तपुर पाखं जिल्लाया फुक्क सुरक्षा निकाय छ्यलः बियादक अनुरोध याय्गु ।

५) विस्का जात्रा नपां स्वापुदःपुं मनूत परम्परा काथं खतय् जोशी, आँचा बजु, तलेजु मूल पुजारी, गुथिया नायो, भैलनायो, सिँकःमि नायो, चौगुथि नपां मःपुं नेम्हा प्यम्हा बाहेक म्वः म्वः पुं मनूत खतय् मचवनय्ता इनाप याय्गु ।

महानगरीय प्रहरी परीसर ख्वपया प्रहरी उपरीक्षक शिवकुमार श्रेष्ठ जुं खः लुइगु व ल्योसीं थानिगु इलय् जुइगु विवाद ज्यं क हज्याय मः धायोदिसे जात्रा बांलाक क्वचाय्केता जनप्रतिनिधिपुं व जनताया ग्वाहाली मदय्कः मगा धायो दिल ।

बैठकय् ख्वप नगरपालिकाया जनप्रतिनिधि, सूर्य विनायक ब्यारेकया प्रमुख सेनानी, राष्ट्रिय अनुसन्धान विभागया उपनिर्देशक विकास पाण्डे, जनस्वास्थ्य सेवाकेन्द्र प्रमुख रत्न सुन्दर लासिवा तलेजु भवानीया पुजारी नेपाल विद्युत प्राधिकरण, भक्तपुर उद्योग वाणिज्य संघ याय्पुं उपस्थित जूगु खः ।

बैठकसं गुथि संस्थान ख्वपया कार्यालय प्रमुख खिमा ओली व जात्रा नपां स्वापु दःपुं सरोकार वालापुं, सशस्त्र प्रहरी बल, राष्ट्रिय अनुसन्धान विभाग, नेपाल टेलिकम, ख्वप अस्पताल ख्वप भक्तपुर उद्योग वाणिज्य संघ, नेपाल विद्युत प्राधिकरण, तलेजुया पुजारी इन्द्रायणी गुथिया गुथियार, भैरव जात्रा सहयोग समिति, प्रजापति समाज, एकीकृत हाकुज्या प्रजापति समाज, ब्रहायणी जात्रा सहयोग समिति गःछँ गणेश जात्रा सहयोग समिति लालछँ गणेशजात्रा सहयोग समिति, भद्रकाली गुथि याय्पुं नं भःगु खः ।

ख्वप नगरपालिकां विस्का जात्रा बांलाकय्ता सकल स्वापु दः पिन्के छलफल याडः क्वय च्वया काथं या खँ क्वः छ्यगु दः ।

१) विस्का जात्रा २०७८/७९ शान्तिपूर्ण धंगं क्व चाय्केता सकल नगरबासी दाजु किजा तताकेहँ पिन्सं जात्रा, संयमित जुयो, बांलाकः भिंक डाय्केता थःथःगु थासं ग्वाहाली याड बिया दक इनाप याय्गु ।

२) थुकिया लागिं न्हिया न्हिथं माइकिड याड प्रचार प्रसार याय्गु जिम्मा ख्वप नगरपालिकाता बियगु ।

३) थुगुसीया जात्रा छो क्वहँ बिज्यासा निसें छोस्वगं बियगु दिन (२०७८ चैत्र २७ निसें २०७९ वैशाख ५) तक या सकल जात्राया

६) विस्का बलय् खः लुयो यंकिगु थासय् त्वालय -त्वालय जात्रा याइगु थासय् काथं मछिंक, ट्रिचिकं तयो है ज्याया सामानता गनां दुँवयो च्वंगु दःसा चिइकः बिया दक ख्वप नगरपालिका पाखं स्वापुदःपुं सकलसिता अनुरोध याकय्गु ।

७) विस्का जात्राया इलय् त्वनय्गु नाः या समस्या मज्जुकेता मः गु व्यवस्था याय्ता काठमाण्डौ उपत्यका खानेपानी लि. ख्वपता जिम्मा बियगु ।

८) विस्का जात्रा ज्वःछि ख्वप नगर दुनय् बिजुली मता च्याकः तय्ता नेपाल विद्युत प्राधिकरण भक्तपुर वितरण शाखाता जिम्मा बियगु ।

९) विस्का जात्रा ज्वःछि ख्वप नगर दुनयँ टेलिफोन व इन्टरनेट चाय्कः तय्ता नेपाल टेलिकम भक्तपुरता जिम्मा बियगु ।

१०) विस्का बलय् खः लुइथाय् व त्वालय-त्वालय जात्रा थाइथाय् तार, केबुल व इन्टरनेटया फाइबर तार ब्यवस्थित याय्ता स्वापु दःगु सेवा प्रदायक संघ संस्थाता जिम्मा बियगु ।

११) ख्वप नगरया जात्रा जुइगु फुक्क थासय् आकस्मिक स्वास्थ्य सुविधाया लागिं स्वास्थ्य शिविर थाय् थासय् तयो, एम्बुलेन्स ब्यवस्था याडः, ख्वप अस्पताल, भक्तपुर अस्पताल, सिद्धि स्मृति अस्पताल, डा. इवामुरा अस्पताल, ख्वपया मेमेगु अस्पताल व नेपाल रेडक्रस सोसाइटी ख्वपता जिम्मा बियगु ।

१२) विस्का जात्रा शान्तिपूर्ण व ब्यवस्थित याय्ता ख्वप नगरपालिका प्रमुखया कजिलय विस्का जात्रा अनुगमन समिति निःस्वानय्गु ।

१३) २०७८ चैत्र २७ गते सुथाय्सिया ७ः०० ता इलय् विस्का जात्रा नपां स्वापु दःगु टिम, क्लव, संघ, संस्था जात्रा व्यवस्थापन समिति नपां मे मे पुं सकले सःतः छगू सद्भावना ज्याली याय्गु खँ नं क्वः छित ।

चिनियाँ व जापानिज भाषाया प्रशिक्षार्थी पिन्ता दसिपौ

चैत्र २२

नेपाल मजदुर किसान पार्टीया छ्याञ्जे नपां संघीय सांसद प्रेम सुवाल जु पाखं ख्वप नगरपालिकां चाय्कगु आधारभूत 'चिनियाँ' व 'जापानिज' भाय सय्कपुं ब्वनामिपिन्ता मंगलवार छगु ज्याइवःसं दसिपौ लः ल्हाड दिसे थमनं सय्कागु न्ह्यागुं ज्याखं देश व जनताया अपलं सेवा याय् मः नपां देया समसामायिक राजनीति व विषयया ज्ञान दय्केमः धायो प्रमुख सुवाल जुं लाँपु क्यड दिल ।



थी थी देया भाषा सय्केगु धाय्गु हे नागरिक पिनिगु व्यक्तित्व च्वजाय्केता तस्कं ग्वाहाली जुइगु नपां देशय् वानयँ तांगु भाय् व संस्कृति म्वाकःतय्गु नं भीगु दायित्व खः धायो दिल ।

वयकलं ऐतिहासिक व सांस्कृतिक हिसाबं तस्कं महत्व जःगु प्राचीन ख्वपया नगरया सांस्कृतिक सम्पदा या विशेष महत्व दःगु अलय ख्वप नगरपालिकां सम्पदा ल्यंक म्वाक तय्गुलि च्वछाय् बहगु ज्या सांगु अलय विकास निर्माणया बांलागु ज्याखं ख्वपया गौरव तयो ब्य्गु दः धायो दिल ।

आरम्भ साफू ब्वज्या सं ख्वप मोडेलया खाँ

चैत्र २३ गते

आरम्भ नेपालया ग्वसालय चैत्र २१, २२ व २३ गते ख्वप नगरपालिका वडा नं. ९ लामगाल, कमल बिनायके जुगु स्वन्ह्या आरम्भ (पुस्तक) साफू ब्वज्या सं सुनिल प्रजापति या मु पाहाँलय् जुगु, ज्या इवः क्वचाइगु दिनसं ख्वप मोडेलया चर्चा परि चर्चा जुल ।



वयकलं देया पर्यटन प्रवर्द्धन याय्ता थजगु विदेशी भाय सय्के फःसा तःसिक बांलाइगु खाँ ब्याकसे नेपःदेता स्वतन्त्र, स्वाधीन व सार्वभौम देश काथं विकास याय्ता भीगु देशय् आत्मनिर्भरया अर्थतन्त्र मदय्क मगा धायोदिसे कत देया भरय् भीगु देया विकास सम्भव मरुगु खाँ ब्याकसे नगरपालिकां घोषणापत्र काथं हे थी थी लाहातय् ज्या दैगु सीपमूलक तालिमत बियो वयो च्वंगु च्वछाय् बहजु धायोदिल ।

ख्वप नगरपालिकाया उप-प्रमुख रजनी जोशी थी थी जात-जाति व देश विदेशया भाषा स्यनय्गु ज्या खं पर्यटन प्रवर्द्धने ग्वाहाली जुइगु खाँ ब्याकसे स्वस्थ, समृद्ध व सबल नगर ख्वप काथं म्हासिइके बियता ख्वप नगरपालिकां सम्पदा ल्यंकः म्वाक तय्गु ज्या विशेष महत्व बियो स्वस्वं वयो च्वंगु खाँ ब्याकसे माथां वांकः विकास यागुलिं हे थौं ख्वप नगरपालिका देया नमूना नगर काथं हज्यायफःगु, थुकिया श्रय थानाया जनताया ग्वाहाली व छप्पा छधिं खः गगु तस्कं हानय् बहजु धायो दिल ।

ख्वप नगरपालिका वडा नं. ९ या वडाध्यक्ष रबिन्द्र ज्याख्वजुं नगरपालिकापाखं स्यनय्गु यागु लाहातय् ज्या दैगु तालिमं अपलं नगरबासी पुं लाभान्वित जगु खाँ ब्याकसे आधारभूत तालिम काय् धूपुं ब्वनामिपिन्ता ख्वप नगरपालिकां एडभान्स तालिमया ब्यवस्था नं याडः वयो च्वंगु दः धायो दिल ।

ज्या इवःसं वडा नं. ३ या वडाध्यक्ष राजकृष्ण गौरा कार्यपालिकाया दुजः रोशन मैयाँ सुवाल, ख्वप नगरपालिकाया प्रमुख प्रशासकीय अधिकृत कृष्ण गिरी, चिनियाँ भाषा स्यनामि र राजेन्द्र चवाल व जापानिज भाय्या स्यनामि आमिर लिबीं नं न्वचु तयो द्य्गु खः ।

तालाक्वय भिन्तुना काल बिल ज्या इवः

चैत्र २४

ख्वप नगरपालिका वडा नं ४ या गवसालय् ख्वप नगरपालिकाया प्रमुख सुनिल प्रजापतिया मू पाहाँलय वि.स. २०७९ नयाँ वर्ष (न्हूँ दँ) या लसताय भिन्तुना कालबिल ज्या इवः तालाक्व त्वालय जुल ।



उगु ज्या इवः सं न्वचु तयो दिसे प्रमुख प्रजापति जुं ख्वप नगरपालिकां थःगु घोषणा पत्र काथं नगर व नगरबासीपिनिगु भिं ज्याता हृदाय तयो ज्या साडः वयो च्वंगु खौं ब्याकसें हनयँ वयो च्वंगु तस्कं बांलाक डाय्केता स्वापु दःपुं सकलसिनं थः थः गु थासं ग्वाहाली याय्मः धायोदिल । जिमिसं शिक्षा, स्वास्थ्य, सम्पदा ल्हवनय्कानय् व सुचुकुचुथजगु जनताया जीवन नपां तप्यंकः स्वापु दैगु अपलं ज्यात क्वचाय्के धुंगु खौं ब्याकसे वयकलं जनताया साथ व ग्वाहाली दःगुलिं हे जिमिता ज्या सानयता अःपुगु मति वांगु दः नपां जनता व जनप्रतिनिधि दथ्वी क्वातुगु स्वापु दःगुलिं हे ख्वप दे

थौंया अवस्थाय् थ्यंगु खः धायो दिल ।

ख्वप नगरपालिका वडा नं ७ य् च्वंगु फोहर नाः उपचार याइगु पुखु ल्हवनय्गु ज्या न्ह्याकय् धुंगु नपां दांकःभिक आखः ब्वंकेगु जिमिगु बचं पू वांकः च्वडागु खौं नं वयकं काडः दिल ।

ज्या इवः सं वडानं ४ या वडाध्यक्ष कुमार चवालं वडाया विकास निर्माणया ज्यात उल दिसे वयो च्वंगु विस्का नाखा तस्कं बांलाक हानयता थःथः गु थासं ग्वाहाली यायता अनुरोध याडः दिल ।

वयकलं वडाया ज्याखय् ग्वाहाली याडः द्यूपुं सकलासिता सुभाय् देछायोदिसे विस्काजात्राया इलय गः हिटी दाडः च्वंगु लक्ष्मी नरसिंह देगः संरक्षण व सुरक्षा या नितिं स्वयमसेवकत द्युकः छयलय्गु कुतः जुयो च्वंगु खौं काडः दिल ।

महानगरीय प्रहरी परिसर ख्वपया प्रहरी उपरीक्षक शिव कुमार श्रेष्ठ जुं बिस्का जात्रां भीगु म्हासिइका हलिमय पिब्वयो च्वनिगुलिं थुकि बांलाक, सुरक्षित काथं डाय्के मःगु खौं ब्याकसे विस्काया इलय सम्पदा लागाय् सुननं स्यंकय् मफैगु काथं विस्कं सुरक्षा पुचः तयो तय्गु खौं नं काडः दिल ।

अथेहे नगरपालिकाया कार्यपालिका या दुजः कृष्ण लक्ष्मी दुवाल, वडाया दुजः राजेन्द्र माक, नेमकिया वडा नं ४ एकाई समितिया नायो हरिसुन्दर सुवाल ख्वप नगरपालिका वडा नं ४ या न्हुच्छेराम भेले पिसं नं थःथःगु न्वचु तयो द्युगु खः । वहे इलय बिस्का जात्रा शान्तिपूर्ण काथं डाय्केता ४ नं. वडाया दुजः पशुपति प्रजापतिया कजिलय स्वयम सेवक (ग्वाहालीमि पुचः) निःस्वांगु जुल ।

ख्वप नगरपालिकाय् खोप सुरु

ख्वप नगरपालिकाय् थौं निसें टाइफाइड ल्वयया विरुद्ध राष्ट्रिय खोप अभियान न्ह्याकगु दः । ख्वप नगरपालिकाया प्रमुख सुनिल प्रजापति जुं ख्वप नगरपालिकां चाय्कः तगु ख्वप अस्पतालया गवसालय जूगु टाइफाइड ल्वयया विरुद्ध खोप अभियान पू वांकयता थः थः गु थासं सकलसिनं ग्वाहाली यायता इनाप याडः दिल । वयकलं थुगु ख्वप अभियान २०७८/७९ शुक्रवार चैत्र २५ गते शुभारम्भ यागु जुल ।

वयकलं थुगु अभियानं देशां देछीया १५ ला निसें १५दा तकया मस्तयता भिं जुइगुलिं थुगु खोप अभियानता सकल सिनं ग्वाहाली याइगु आशा यासे छम्हा हे मचात त्वः मफियमः धाय्गु मतिं ब्वनय्कुथि ख्वप केन्द्र तःगु खौं नं काडः दिल ।

ज्या इवःसं ख्वप अस्पतालया डा. रत्न सुन्दर लासिव जुं थुगु खोप अभियान चैत्र २५ निसें न्ह्याकसें १५ ला निसें हिंदादाया मचा तयता धायो तःगु खोप केन्द्रे वाडः खोप याकदिसें धायोदिल ।

उगु ज्या इवः सं ख्वप अस्पतालया डाक्टर नेम्हा अमर



प्रजापति व मजेश प्रतापमल्ल जु पिसं नेपालय् अःतकनं टाइफाइड ल्वयया ल्वगित म्हवँ मजुगु इलय थूगु खोपकायानिं जुइगु फाइदा या खौं ब्याकसे थुगु खोपं ब्वनामिपिन्ता तस्कं भियाइगु खौं नं ब्याकदिल ।

सद्भाव न्याली

चैत्र २७

ख्वप देया ऐतिहासिक व सांस्कृतिक बिस्का जात्रा शान्तिपूर्ण, मर्यादित व सुरक्षित काथं डायकेगु इनाप याय्ता ख्वप नगरपालिकाया गवसालय आइतबार सद्भाव न्याली नपां जनचेतना ज्या इवः यात ।

ख्वपया तःमारी त्वालय जूगु उगु सभासं नेपाल मजदूर किसान पार्टीया छयाञ्जे नपां संघीय सांसद प्रेम सुवाल जुं ख्वपया लोकं हवागु बिस्काजात्रा ईलय हे बांलाक क्वचाय्केता स्वापु दःपुं सकलसिनं थः थः गु थासं ग्वाहाली याय्मः धायोदिल ।

ख्वपया सभ्यता व संस्कृति ल्यंकः म्वाक तय्ता ख्वप नगरपालिकाया गवसालय जूगु सद्भाव न्यालीसं अपलं न्हूंगु पुस्तां ब्वति कःगु च्वछाय् बहजु धायो दिसे थुगु बिस्का जात्राया महत्व हलिमय ब्याडः च्वंगु खौं कुल दिसे जात्रा स्वः भः पुं सकलसिया मन लय् ताय्क सभ्य, भब्य व सुरक्षित याय्मः धायोदिल ।



ज्या इवःसं ख्वप नगरपालिकाया प्रमुख सुनिल प्रजापति जुं ख्वपया जात्रा तस्कं लोकहवागु जात्रा जूगुलिं तस्कं बांलाक, इलय हे जात्रा क्वचाय्केता स्वापु दःगु संस्थात नपां मिलय् जुयो, सल्हाबल्हायाड च्वडागु खौं ब्याक दिल ।

बिस्का नखा बांलाकः ल्वापु मजुइक डायकेता सकल सिया मंकः कुतः जुय्मः नपां जात्राबलय् म्बःमरुगु उपद्र ज्या याइपिन्ता सकलासिनं वाचाय्क स्वयो च्वनय मःगु अलय् थः थः गु थासं ग्वाहाली याय्मः धायो दिल ।

ब्वनामिपिन्ता थानाया सांस्कृतिक सम्पदाया महत्व थुइकय् बियता ब्वनय् कुथि स्थानीय पाठ्यक्रमया व्यवस्था याडः वयागु खौं ब्याकसे ख्वप नगरपालिकां मूर्त व अमूर्त सम्पदात म्वाकः तय्गु ज्या याडः वयो च्वंगु खौं काडः दिल । नपां ख्वप देता संसारया जीवित

संग्रहालय काथं म्वाकः तय्गु कुतः जुयो च्वंगु खौं काडः दिल ।

ख्वप देया प्रजिअ रुद्रादेवी शर्मा जुं ख्वप देया गौरब काथं न्ह्याडः वयो च्वंगु बिस्का जात्रा बलय् मः काथंया शान्ति सुरक्षा बियगु खौं ब्याकसे जात्रा न्हपा स्वयो व्यवस्थित व अनुशासित काथं न्ह्याकय्ता सकलसिया ग्वाहाली दैगु विश्वास प्वांकः दिल ।

गुथि संस्थान ख्वप कार्यालय प्रमुख खिमा ओली ख्वपदेया धार्मिक व सांस्कृतिक महत्व कःघाडः च्वंगु बिस्का जात्राया ज्याइवः या धलः पिब्वयो दिसे थुगु जात्रा सकलसिया मन क्वसाय्कः भब्य, सभ्य व सुरक्षित काथं पूवांकय्ता इनाप याडः दिल ।

ख्वप नगरपालिका वडा नं. ९ या वडाध्यक्ष रबिन्द्र ज्याख्व जुं नं न्वचु तयो द्युगु उगु ज्या ज्याइवः सुरु जुय हौं ख्वप नगरपालिका वडा नं ९ या सूर्यमढी व ख्वप नगरपालिका वडा नं १ या दूधपाटी न्ह्याकगु न्याली तःमारी मुडः सभा यागु खः ।

न्याली सं ख्वप नगरपालिकाया उप-प्रमुख रजनी जोशी, वडाध्यक्ष पुं श्याम कृष्ण खत्री (१) उकेश कवां (७) जु पिसं न्वचु तयो द्युगु खः सा उगु न्याली सं ख्वप नगरपालिकाया जनप्रतिनिधिपुं, थी थी सरकारी कार्यालयमा प्रतिनिधिपुं, सहकारी संस्था, ब्वनय्कुथि कलेज, टीम, क्लब, खेलकुद समिति, सुरक्षाकर्मी प्रहरी, रेडक्रस, स्काउट, सांस्कृतिक समूह व जनतात नं ब्वति कःभःगु खः ।

उगु न्याली सूर्यमढी न्ह्याकगुलि नगर प्रमुख सुनिल प्रजापति व दूधपाटी न्ह्याकगुलि उप-प्रमुख रजनी जोशी जुं न्हयलुवा जुयो द्युगु खः ।

ख्वप देशय् डायकिगु हलिमय नां जःगु, तस्कं लोकं हवागु जात्रा आइतबार ख्वप देया तः मारी भैलखः लुयो सुरु जुल ।



पुलांगु पहःलं छैं द्वां पिन्ता अनुदान रकम लः ल्हात
२०७८ चैत्र १५ गते)



टाईफाइड विरुद्धया खोप स्वप नगरपालिकाय् सुरु
२०७८ चैत्र २५ गते)



बिस्का जात्रा हायंपुक डायकेता सद्भावना न्याली नपां सचेतना ज्या इवः

(२०७८ चैत्र २७ गते)



बिस्का जात्रा शान्तिपूर्ण काथं डायकेता स्वापु ढःपुं नपां बैठक

(२०७८ चैत्र २२ गते)

